

臨證指南醫案

臨證指南醫案目

卷十

幼科要畧

痧疹

痘

疔

吐瀉

痢症厥

虫

集方

臨證指南醫案卷十

許嗣李大瞻繪圖

古吳葉

桂天士先生著

錫山華南山岫雲同校

邵 銘新甫

幼科要畧

按襁褓小兒。體屬純陽。所患熱病最多。世俗醫者。固知謂
六氣之邪。皆從火化。飲食停留。鬱蒸變熱。驚恐內迫。五
志動極。皆陽。奈今時治法。初則發散解肌。以退表熱。仍
混入消導。繼用清熱苦降。或兼下奪。再令病家禁絕乳

食每致胃氣索然。內風來乘。變見驚癇。告堯甚多。附記
世俗通套之方藥於左。不可不知。不足取法也。

防風 荆芥 葛根 前胡 桔梗 木通

赤芍 蘆子 厚朴 陳皮 山查 麥芽

枳殼 神麩 鈎藤 夏佐香 冬佐麻 黃羌 活

兩三日熱不解

柴胡 前胡 黃連 黃芩 山梔 連翹

薄荷 葛根 木通 鈎藤 厚朴 枳實

瓜蒌實 九劑必用大黃

四五日不解。但言食滯未盡。表裏不和。總以柴芩小陷

胸若嘔逆煩渴。用竹茹黃連半夏。若痰多喘促。卽用葶
塵杏仁蘇子。藟子胆星貝母。甚者加牛黃。此皆套法。所
當戒也。

屢清消不愈。便無方法。苟不變驚。必曰骨蒸。孩勞。所用
藥。似不分氣血陰陽。但知見症施治。如早涼暮熱。必用

地骨皮 丹皮 生地 玄參 甘草 北沙參

石斛 知母

有痰加

蘇子 杏仁 貝母 橘紅 胆星 桔梗

其鈎藤石斛。茯苓。麥芽之屬。每劑必用。總之取無故遺。

藥待其自愈。倘有變症。希冀掩飾而已。

愚按嬰兒肌肉柔脆。不耐風寒。六腑五臟氣弱。乳汁難化。內外二因之病自多。然有非風寒竟致外感。不停滯已屬內傷。其故何歟。嘗思人在氣交之中。春夏地氣之升。秋冬天令之降。呼出吸入。與時消息。間有穢濁吸入。卽是三焦受邪。過募原直行中道。必發熱煩躁。倘幼醫但執前藥。表散消導。清火通便。病輕或有作成。病重必然顛覆。錢仲陽云。糞屢不可近。襁褓小兒。余言非無據矣。四十年來治效頗多。畧述其槩云。

夫春溫夏熱秋涼冬寒。四時之序也。春應溫而反大寒。夏

應熱而反大涼。秋應涼而反大熱。冬應寒而反大溫。皆不正之乖氣也。病自外感。治從陽分。若因口鼻受氣。未必恰在足太陽經矣。大凡吸入之邪。首先犯肺。發熱咳嗽。口鼻均入之邪。先上經中。咳嗽必兼嘔逆。膜脹。雖因外邪。亦是表中之裏。設宗世醫發散湯經。雖汗不解。幼穉質薄。神怯。日期多延。病變錯綜。茲以四氣常法列左。

伏氣

春溫一症。由冬令收藏未固。昔人以冬寒內伏。藏於少陰。入春發於少陽。以春木內應肝胆也。寒邪深伏。已經化熱。昔賢以黃芩湯爲主方。苦寒直清裏熱。熱伏於陰。苦

味堅陰乃正治也。知溫邪忌散，不與暴感門同法。若因外邪先受，引動在裏伏熱，必先辛涼以解新邪。繼進苦寒以清裏熱。況熱乃無形之氣，幼醫多用消滯，攻治有形，胃汁先涸，陰液劫盡者多矣。

黃芩湯

蔥豉湯

新邪引動伏邪

備用方

涼膈散

清心涼膈散

風溫

風溫者，春月受風，其氣已溫，經謂春氣病在頭，治在上焦。肺位最高，邪必先傷。此手太陰氣分先病，失治則入手厥陰，心胞絡，血分亦傷。蓋足經順傳，如太陽傳陽明，人

皆知之。肺病失治。逆傳心胞絡。幼科多不知者。俗醫見身熱咳喘。不知肺病在上之旨。妄投荆防柴葛加入枳朴杏蘇。荀子查麥。廣皮之屬。輒云解肌消食。有見痰喘。便用大黃礞石滾痰丸。大便數行。上熱愈結。幼穉穀少。胃薄表裏苦辛化燥。胃汁已傷。復用大黃大苦沉降丸。藥致脾胃陽和傷極。陡變驚癇。莫救者多矣。

按此症風溫肺病。治在上焦。夫風溫春溫忌汗。初病投劑。宜用辛涼。若雜入消導發散。不但與肺病無涉。劫盡胃汁。肺乏津液。上供頭目清竅。徒爲熱氣薰蒸。鼻乾如煤。目瞑。或上竄無淚。或熱深肢厥。狂躁溺瀉。胸高氣促。

皆是肺氣不宣化之徵。斯時若以肺藥少加一味清降。使藥力不致直趨腸中。而上痺可開。諸竅自爽。無如城市庸醫。僉云結胸。皆用連蕪柴枳。苦寒直降。致閉塞愈甚。告變甚多。

按此症初因發熱喘嗽。首用辛涼清肅上焦。如薄荷連翹牛蒡象貝桑葉沙參梔皮蕪皮花粉。若色蒼熱勝煩渴。用石膏竹葉辛寒清散。痧症亦當宗此。若日數漸多。邪不得解。芩連涼膈亦可選用。至熱邪逆傳入膈中。神昏目瞶。鼻竅無涕淚。諸竅欲閉。其勢危急。必用至寶丹。或牛黃清心丸。病減後餘熱。只甘寒清養胃陰足矣。

備用方葦莖湯

清心涼膈散

涼膈散

瀉白散

葶藶大棗湯

白虎湯

至寶丹

清心牛黃丸

竹葉石膏湯

喻氏清燥救肺湯

夏熱

夏爲熱病。然夏至已前。時令未爲大熱。經以先夏至病溫。後夏至病暑。溫邪前已申明。暑熱一症。幼醫易眩。夏暑發自陽明。古人以白虎湯爲主方。後賢劉河間創議。迨出諸家。謂溫熱時邪。當分三焦投藥。以苦辛寒爲主。若拘六經分症。仍是傷寒治法。致悞多矣。蓋傷寒外受之

寒必先從汗解。辛溫散邪是已。口鼻吸入之寒。卽爲中寒。陰病治當溫。裏分三陰見症。施治若夫暑病。端方甚少。皆因前人畧於暑。詳於寒耳。考古如金匱暑暈。經之因而潔古以動靜分中暑中熱。各具至理。茲不贅述。論幼科病暑。熱夾雜別病有諸。而時下不外發散消導。加入香薷一味。或六一散一服。考本草香薷辛溫。發汗能泄宿水。夏熱氣閉無汗。渴飲停水。香薷必佐杏仁。以杏仁苦降泄氣。大順散取義若此。長夏濕令。暑必兼濕。暑傷氣分。濕亦傷氣。汗則耗氣。傷陽胃汁大受劫。燥變病由此甚多。發泄司令裏真自虛。張鳳逵云。暑病首用辛

涼。繼用甘寒。再用酸泄酸飲。不必用下。可稱要言。不煩矣。然幼科因暑熱蔓延。變生他病。茲摘其槩。

受熱厥逆

夏令受熱。昏迷若驚。此爲暑厥。卽熱氣閉塞孔竅所致。其邪入絡。與中絡同法。牛黃丸至寶丹。芳香利竅。可效。神甦以後。用清涼血分。如連翹。心竹葉。心玄參。細生地。鮮生地。二冬之屬。此症初起。大忌風藥。初病暑熱傷氣。竹葉石膏湯。或清肺輕劑。大凡熱深厥深。四肢逆冷。但看面垢齒燥。二便不通。或瀉不爽。爲是大忌。誤認傷寒也。

疳

幼兒斷乳納食。值夏月脾胃主氣。易於吐膨泄瀉。頭熱手足心熱。形體日瘦。或煩渴善食。漸成五疳。積聚當審體之強弱。病之新久。有餘者當疏胃清熱。食入糞色白。或不化。當健脾佐消導清熱。若濕熱內鬱。蟲積腹痛。導滯驅蟲。微下之。緩調用肥兒丸之屬。

口疳

夏季秋熱。小兒泄瀉。或初愈未愈。滿口皆生疳。齧嘗有阻塞咽喉致危者。此皆在裏濕盛。生熱熱氣蒸灼。津液不升。濕熱偏傷氣分。治在上焦。或佐淡滲。世俗常刮西瓜翠衣治疳。取其輕揚滲利也。

脹

夏季濕熱鬱蒸脾胃氣弱水穀之氣不運濕着內蘊爲熱。漸至浮腫腹脹。小水不利。治之非法。水濕久漬。逆行犯肺。必生咳嗽喘促。甚則坐不得卧。俯不能仰。危期速矣。大凡喘必生脹。脹必生喘。方書以先喘後脹者治在肺。先脹後喘者治在脾。亦定論也。金匱有風水皮水石水。正水黃汗。以分表裏之治。河間有三焦分消。子和有磨積逐水。皆有奧義。學者不可不潛心體認。難以槩述。閱近代世俗論水濕喘脹之症。以內經開鬼門取汗爲表治。分利小便潔淨府爲裏治。經旨病能篇。謂諸濕腫滿。

皆屬於脾。以健脾燥濕爲穩治。治之无效。技窮束手矣。
不知凡病皆本乎陰陽。通表利小便。乃宣經氣利腑氣。
是陽病治法。駁水蠱濕脾腎補方。以驅水。是陰病治法。
治肺痺以輕開上。治脾必佐溫通。若陰陽表裏乖違。臆
眞日瀉。陰陽不運。亦必作脹。治以通陽。乃可奏績。如局
方禹餘糧丸。甚至三焦交阻。必用分消。腸胃窒塞。必用
下奪。然不得與傷寒實熱同例。擅投硝黃枳朴。擾動陰
血。若太陰脾臟飲濕阻氣。溫之補之。不應欲用下法。少
少甘遂爲丸可也。其治實在選用方法備採。

備用方葶藶大棗湯

瀉白散

大願散

牡蠣澤瀉散

五苓散

越婢湯

甘遂半夏湯

控涎丹

五子五皮湯

子和桂苓湯

禹功丸

茯苓防已湯

中滿分消湯

小青龍湯

木防已湯

附記一徐姓小兒。單脹數月。幼科百治無功。僉用肥兒丸萬安散磨積丹綠礬丸雞臍藥俱不效。余謂氣分不效。宜治血絡。所謂絡瘀則脹也。用歸鬚桃仁延胡山甲。螻螂廔蟲靈脂山查之類爲丸。十日全愈。

吐瀉霍亂

吐瀉一症。幼兒脾胃受傷。陡變驚搐最多。若是不正穢氣

觸入。或口食寒冷。套用正氣散。六和湯。五積散之類。正氣受傷。肢冷呃忒。嘔吐自利。卽用錢氏益黃散。有痰用星附六君子湯。理中湯等。倘熱氣深伏。煩渴引飲。嘔逆者。連香飲。黃連竹茹橘皮半夏湯。熱閉神昏。用至寶丹。寒閉用來復丹。

食瓜果泄瀉

穉年夏月食瓜果水寒之濕。着於脾胃。令人泄瀉。其寒濕積聚。未能遽化。熱氣必用辛溫香竄之氣。古方中消瓜果之積。以丁香肉桂。或用麝香。今七香餅治瀉。亦祖此意。其平胃散胃苓湯亦可用。

瘧

瘧因暑發居多。方書雖有痰食寒熱瘧癘之互異。幼稚之瘧。都因脾胃受病。然氣性神弱。初病驚癘厥逆爲多。在夏秋之時。斷不可認爲驚癘。大方瘧症。須分十二經與嗽症相等。若幼科庸俗。但以小柴胡去參。或香薷葛根之屬。不知柴胡動肝陰。葛根竭胃汁。致變屢矣。幼科純陽暑爲熱氣。症必熱多煩渴。邪自肺受者。桂枝白虎湯。二進必愈。其有冷食不進。有足太陰脾病見症。初用正氣。或用辛溫。如草果生薑半夏之屬。方書謂草果治太陰獨勝之矣。知母治陽明獨勝之熱。瘧久色奪唇白汗

多餒弱必用四獸飲陰虛內熱必用鱉甲首烏知母便
漸溼者忌用久瘡營傷寒勝加桂薑擬初中末瘡門用
藥於左

初病暑風濕熱瘡藥 脫痞悶 枳殼 桔梗

杏仁 厚朴 二味皆最宜 瓜蒌皮 山梔 香豉

頭痛宜辛涼輕劑 連翹 薄荷 赤芍 羚羊角

蔓荊子 滑石 淡滲清出

重則用石膏 口渴用花粉 煩渴用竹葉石膏湯

熱甚則用黃芩黃連山梔

夏季身痛屬濕羌防辛溫宜忌宜用木防已蚕沙

暑熱邪傷初在氣分日多不解漸入血分反渴不多飲
唇舌絳赤芩連膏知不應必用血藥諒佐清氣熱一味
足矣。輕則用青蒿 丹皮 汗多忌 犀角 竹葉心

玄參 鮮生地 細生地 木通 亦能發汗

淡竹葉 若熱久痞結瀉心湯選用

又夏月熱久入血最多蓄血一症。識語昏狂。看法以小
便清長者。大便必黑爲是。桃仁承氣湯爲要藥。

幼稚瘧久。面腫腹膨。泄瀉不欲食。或囊腫。或跗腫。必用
東垣益氣以升陽。倘脾陽消憊。前方不應。用理中湯。或
錢氏益黃散。得效二三日。須投五苓散一二日。再與異

功參苓白朮散之類必全好。徐忠可註全匱有云。幼
兒未進穀食者。患瘧久不止。用米糖濃湯。余試果驗。
瘧多用烏梅。以酸泄木安土之意。用常山草果。乃劫其
太陰之寒。以常山極走。使二邪不相併之謂。用人參生
薑。曰露薑飲。一以固元。一以散邪。取通神明去穢惡之
氣。總之久瘧氣餒。凡壯胆氣。皆可止瘧。未必真有瘧鬼。
又瘧邪既久。深入血分。或結瘧母。鱗甲煎丸。設用煎方。
活血通絡可矣。

痢

痢疾一症。古稱滯下。蓋裏有滯濁而後下也。但滯在氣滯

在血冷傷熱傷而滯非一人以滯爲食但以消食併
令禁忌飲食而已。

夫瘧痢皆起夏秋。都因濕熱鬱蒸。以致脾胃水穀不運。
濕熱灼氣血爲粘膩。先痛後痢。痢後不爽。若偶食瓜果
水寒卽病。未必卽變爲熱。先宜辛溫疎利之劑。若膿血
幾十行。疔痛後重。初用宣通驅熱。如芩連大黃。必加甘
草以緩之。非如傷寒糞堅。須用芒硝。鹹以溼堅。直走破
泄至陰。此不過苦能勝濕。寒以逐熱。足可却病。古云行
血則便膿愈。導氣則後重除。行血涼血。如丹皮桃仁。延
胡黑查歸尾。紅花之屬。導氣如木香枳榔青皮。枳朴廣

皮之屬。世俗通套不過如此。蓋瘧傷於經。猶可延挨。痢
關乎臟。悞治必危。診之大法。先明體質強弱。肌色蒼嫩。
更詢起居致病。因由初病。體堅症實。則法可遵。久病氣
餒神衰。雖有腹痛後重。亦宜詳審。不可槩以攻積清套。
施治。聊附記。一治驗備考。

施姓子年七歲。七月二十三日。天久雨陰晦。遂發泄瀉。
數次。越日腹痛。下痢紅白。延幼科二人。調治五六日。至
初二日。余診之。嘔逆不食。下痢無度。都是血水。其腹痛
晝夜無寧刻。兩脈俱細。右瀉欲歇。坐次鼻聞藥氣。乃大
黃氣。令其勿進。施云。有二醫在。枉先生一商。何如。余唯

之入書室索方。一醫曰：下痢已來，全無糟粕，若非攻蕩去積，無別法。可投余曰：肢冷下血液，七八日滿不飲水，望面色枯白，中極氣黯，脈形細爽。按之不鼓，明是冷濕中於太陰。仲景太陰九法，示不用下，乃急煎人參炙草炮薑歸芍陳皮少佐肉桂。二劑垢滯得下，痛痢大減。繼以歸芍異功散，參苓白朮散，半月全安。

噤口不納水穀下痢，都因熱升濁攻，必用大苦如芩連石蓮清熱。人參輔胃益氣，熱氣一開，卽能進食。藥宜頻頻進二三口。

小兒休息久痢，變爲糞後下血，最難速愈。有因氣弱下

陷者補中益氣虛寒飲食不化者錢氏益黃散濕熱未
淨氣分延虛者清暑益氣湯胃強善食者苦寒清熱更
節飲食須善調經月

久瀉久痢必傷及腎以腎司二便也必肛門後墜不已
與初病濕熱裏急下重不同治以攝陰液或佐疎補久
則純與攝納

小兒熱病最多者以體屬純陽六氣着人氣血皆化爲
熱也飲食不化蘊蒸於裏亦從熱化矣然有解表已復
熱攻裏熱已復熱利小便愈後復熱養陰滋清熱亦不
除者張季明謂元氣無所歸着陽浮則條熱矣六神湯

生之。

秋燥

秋深初涼。穉年發熱咳嗽。證似春月風溫症。但溫乃漸熱之稱。涼卽漸冷之意。春月爲病。猶冬藏固密之餘。秋令感傷。恰值夏熱發泄之後。其體質之虛實不同。但溫自上受。燥自上傷。理亦相等。均是肺氣受病。世人誤認暴感風寒。混投三陽發散。津劫燥甚。喘急告危。若果暴涼外束。身熱痰嗽。只宜葱豉湯。或蘇梗前胡杏仁枳桔之屬。僅一二劑亦可。更有粗工。亦知熱病。與瀉白散加茶連之屬。不知愈苦助燥。必增他變。當以辛涼甘潤之方。

氣燥自平而愈。慎勿用苦燥劫燥胃汁。

秋燥一症。氣分先受。治肺爲急。若延綿數十日之久。病必入血分。又非輕浮肺藥可醫。須審體質症端。古謂治病如活潑之地。如盤走珠耳。

翁姓子方數月。秋燥潮熱。咳嗽如瘧。幼科用發散藥二日不效。忙令禁乳。更醫用瀉白散。再加芩連。二日晝夜煩熱喘而不咳。下痢粘膩。藥後竟痢。藥水。延余診之。余曰。穉年以乳食爲命。餓則胃虛。氣餒。肺氣更不爽矣。與玉竹甘草炒廣皮竹葉心一劑。熱緩。繼與香粳米南棗廣皮甘草沙參二劑。與乳少進。令夜抱勿餓。二日全愈。

久寒

深秋入冬。暴冷折陽。外感發熱。頭痛身痛。嘔惡。必從太陽。
若渴能飲水者。裏熱見症。卽非純以表散傷寒。每以風
傷衛。用桂枝法。寒傷營。用麻黃法。小兒肌疎易汗。難任
麻桂辛溫。表邪太陽治用。輕則紫蘇防風一二味。身痛
用羌活。然不過一劑。傷風症亦肺病爲多。前杏枳桔之
屬。辛勝卽是汗藥。其葱豉湯。乃通用要方。若肢冷寒戰。
嘔吐自痢。或身無熱。卽從中寒裏症。三陰須分。但小兒
科。太陰中寒最多。厥陰間有。若冬令應寒。氣候溫煖。當
藏反泄。卽能致病。名曰冬溫。溫爲欲熱之漸。非寒症得

汗而解。若涉表邪一二裏熱必兼七八。是瘧疹丹痧。非徒風寒。或外受之邪。與裏邪相薄。亦令鬱於經絡。或飲醇厚味。裏熱熾烈。而衛氣不與營分相和。或不正直入內侵。卽有腹痛下痢諸症。其治法按症。必以裏症爲主。稍兼清散有諸。設用絳溫。禍不旋踵矣。至於痧痘時癘。須分四氣也。

看三關法

消氏云小兒三歲已內看男左女右手虎口三節曰三關。紋色紫熱紅傷寒青驚風白疳病黃色淡紅乃平常小恙其筋紋宜藏不宜暴露若見黑色則爲危險再脈紋見下截風關爲輕中截氣關爲重上截命關爲尤重耳直透三關爲大危。

痧疹

痧子

吳音

瘡子

浙江

疹

北音

丹

痧屬陽腑經邪初起必從表治症見頭痛喘急咳嗽氣粗嘔惡一吐二日卽發者輕三五日者重陽病七日外隱伏不透邪反內攻喘不止必腹痛脹秘悶危矣治法宜

苦辛清熱涼膈去硝黃

方書謂足陽明胃疹如雲佈密。或大顆如痘。但無根盤。方書謂手太陰肺疹。但有點粒無片片者。用辛散解肌。冬月無汗壯熱喘急。用麻杏。如華蓋散。三拗湯。夏月無汗。用辛涼解肌。葛根。前胡。薄荷。防風。香薷。牛蒡。枳。桔。木。通之屬。

古人以表邪口渴。卽加葛根。以其升陽明胃津。熱甚煩渴。用石膏辛寒解肌。無汗忌用。

凡瘡疹辛涼爲宜。連翹辛涼。翹出衆草。能升能清。最利幼科。能解小兒六經諸熱。

春令發痧從風溫。夏季從暑風暑必兼濕。秋令從
燥燥氣。冬月從風寒。

疹宜通泄。泄瀉爲順。下痢五色者亦無妨。惟二便不利
者最多凶症。治法大忌止瀉。

痧本六氣客邪。風寒暑濕必從火化。痧既外發。世人皆
云邪透孰謂出沒之際。升必有降。勝必有復。常有痧外
發身熱不除。致咽啞齧腐。喘急腹脹。下痢不食。煩躁昏
沉。竟以告斃者。皆屬裏症不清致變。須分三焦受邪孰
多。或兼別病累痺。須細體認。上焦藥用辛涼。中焦
藥用苦辛寒。下焦藥用鹹寒。

上焦藥氣味宜輕。以肺主氣皮毛屬肺之合。外邪宜辛。勝裏甚宜苦勝。若不煩渴病日多。邪鬱不清。可淡滲以洩氣分。

中焦藥。痧火在中。爲陽明燥化。多氣多血。用藥氣味苦寒爲宜。若日多胃津消燬。苦則助燥劫津。甘寒宜用。下焦藥。鹹苦爲主。若熱毒下注成痢。不必鹹以裏堅。但取苦味堅陰燥濕。

古人以痧爲經腑之病。忌溫燥清補。所謂痘喜溫暖。疹喜清涼也。然常有氣弱體虛。表散寒涼非法。淹淹釀成損怯。但陰傷爲多。救陰必扶。持胃汁氣衰者亦有之急。

當益氣。穉年陽體純剛之藥。忌用。幼科方書歌括曰。赤疹遇清涼而消。白疹得溫煖而解。此溫字。卽後人酒醱。種木粗草紙木棉紗之屬。雖不可不知。然近年用者多無益。

痧疔。濕盛熱蒸。口舌咽喉疔。若不速治。有穿腮破頰。咽閉喘促告斃矣。治之宜早。外治另有耑方。若湯藥方。法必輕淡。能解上病。或清散亦可。

痧痢。乃熱毒內陷。與傷寒協熱邪。盡則痢止。同法。忌升提。忌補瀉。輕則分利宣通。重則苦寒解毒。

痘

論痘首推錢仲陽。陳文中二家。錢用寒涼。陳用溫熱。確乎
相左。丹溪祖錢。非陳分解毒。和中安表爲要。以犀角地
黃湯爲主方。舉世宗之。莫敢異議。後之萬氏。以脾胃爲
主。魏氏以保元爲主。皆從二家脫化。費建中救偏。悉以
石膏大黃。胡氏輒投汗下。松江東地。多宗秦鏡。明京口
江寧。咸推管樞保赤。吾蘇。悉遵翁仲仁。金鏡錄。可謂家
喻戶曉者。其取長在者。不在乎治。看法精確。有可以前
知之巧妙。後之翟氏。聶氏。深以氣血盈虧解毒化毒。分
晰闡揚。錢陳底蘊。超出諸家。因分別太多。讀者目眩心
憤。不若翁仲仁。務義。悅口也。然眼目之功。須宗翁氏。而

彙治講究。悉之諸家可矣。姑舉看法。

大凡發熱三日。而後見標。是其常。卽以熱勢。悉詳見症。定其吉凶。翁仲仁金鏡錄甚明。茲不復贅。其未刻悉補入。

傷寒邪由外入。痘子熱從內起。但時邪引動而出。與傷寒兩途。

週歲小兒。初熱卽現驚搐昏迷之狀。最多。世俗謂驚痘最好。此言未必皆然。方書云。先驚後痘者生。先痘後驚者死。頻頻驚厥。最多。悶痘。蓋痘由腎至肝。至心脾及肺。自裏至外。自深及淺。沫發之前。痘熱先已內動。目現水。

晶光芒腎熱也。水生木而入肝。木生火而入心。心生土而入脾。土生金而入肺。其先天痘毒從至陰以達陽。全藉身中元氣領載充長以化毒爲漿。漿必濃厚蒼老而始結痂。毒已外洩元氣內返。斯無變症。週歲已內身小元弱。常有熱。一日卽出。亦有順痘。但須看神氣靜躁。熱勢輕重。見點徐徐而出。既出卽長。熱緩安乳。便是好症。若神氣雖安。熱亦不盛。痘點雖不多。且呆色鈍。或作頭奩足落。脈懈不束。筋骨隱隱歎息。或短氣如喘。或嘔或瀉。最多悶症。

若二三日間痘前已生色亦頗好。晝夜終日煩躁不止。

最防隱處發疔及發斑夾疹等症

一發熱煩躁標點雖見熱躁愈加細詢無忽再參兼症
爲六氣鬱遏者從時氣治爲內傷停滯者從裏症治亦
有表裏兩解治亦有下奪者但下法寒涼之中必須活
血理氣防其凝滯冰伏

初起必三次而出熱止卽齊其贈點亦有陸續發出者
須看顏色靈活生氣頃刻轉機變化爲要察形辨症治
法用藥表藥活血疎肌次則涼血解毒實熱便閉者發
下之虛弱氣怯者忌進疎解寒涼間有虛寒弱穉初發
身不大熱四肢皆冷吐乳瀉乳痘點不長聞聲悠悠欲

絕望色慘淡無形。恰在一二朝間。余見程氏女。年甫半
齡。佈痘極多。痘形奩。色淡白。前症迭見。近地幼科。僉用
荆防。勞蟬。紅花。查肉。木通。胡荽。笏尖之屬。方雖寫而示
以凶危。延余診視。余曰。毒重氣虛。法在不治。但身無熱。
見症虛寒。不因癘氣表邪。焉用表藥。考萬氏始終以脾
胃爲主。以埋中湯。加丁桂與服。一劑肢暖嘔止。再服利
緩痘起。再用參歸鹿茸二服。以錢氏異功散而愈。

凡看痘。先論兒體強弱。辨肌色。如色白多氣虛。色蒼多
血熱。形象尪羸有宿病。或渴乳。肌柔白嫩者。痘必鮮明。
蒼黑皮粗者。色必暗晦。羸瘦病質。色燥形枯。必須辨休。

辨長養內症安和

病軀出痘。卽平常無奇。亦難調理。歌訣云。形體羸瘦骨如柴。肌肉枯焦神思衰。遍體鋪排如此痘。縱能漿足亦堪嗟。

一初見腰痛足重。不能起立者死。此毒伏於腎。

一初見腹脹胸高。續增喘噦者死。

一初見目睛呆眩。或暗無光。或黑白高低。皆屬緊閉症。

一初見痘煩躁不止。卽防疔斑。疔必現於隱處。多死。

一初見痘。痘不續發。斑色深紫。漸變藍黑。六口內死。

一初見痘。紫斑漸起。痘反隱伏。此名紫斑白悶。

一初見痘。痘斑間雜。若似洒珠點墨。必死。

已上皆論初見看法。以定凶危。發齊熱退後。皆無諸惡症。翁仲仁云。三日四日。痘出當齊。點至足心。勢方安靜。若論幼小之兒。氣血易週。常有未及三日而發齊者。年長之體。四日已外。猶有贈發者。痘子稀少。數不盈百。不必點至足心。仲仁大意。謂發齊安靜。無慮變症。然須辨明痘形痘色。是何等呈色。身體強壯。痘屬上中。方可許其無慮。倘幼小弱質。或病後。或帶別病。而後佈痘。未可見痘好浪許。再以冬夏氣候審詳。可以百千無悞。

今世用方

初見宜解肌疎表通套法

十六味

荆芥

四日不用

防風

三日不用

前胡

三日不用

牛蒡

四日不用

紫草

二三日便滑忌

木通

紅花

甘草

赤芍

天蟲

查肉

川芎

連翹

桔梗

廣皮

蟬脫

三四日不用

方書中未見點用升麻葛根湯。今人不用伍氏方法見點忌升麻。後人謂葛根表疎亦忌。此輕揚升表通套藥。若裏症急須兩解。

伍氏方一二日用羌防透肌湯。今人不用。惡其辛溫氣雄也。一二日壯熱氣促。煩渴便秘。痘粒不發。翁仲仁云。若非風寒壅遏。定是氣虛不振。愚謂近世佈痘每盛發。

於君相風木燥金司令。蓋非火不發也。火鬱發之升陽散火是已。但前症若裏熱甚重。煎灼脂液。苟非苦寒下奪。佐以升表不能用也。費建中方頗爲中的。

石膏

大黃

連翹

赤芍

青皮

腹瀉用

查肉

花粉

紫草

木通

丹皮

辛涼入血

犀角

辛涼通血

發齊後用黃連

凡寒涼清火解毒。必佐活血疎暢。恐凝滯氣血也。

實熱便秘通用

涼膈

通聖

前胡枳殼湯

四順清涼飲

痘四日發足。伍天遵古方。用牛蒡熟末三分。用葶薺汁

酒釀燉熱調勻。臨服刺入生雞冠血十餘滴與服。毒輕者卽起光潤之色。世皆宗之。

發齊已。四。五。日。用涼血解毒湯藥。伍氏名四聖飲。非扁鵲原方。

生地

連翹

銀花

紅花

甘草

天蟲

桔梗

紫草

便滑用紫銚

血熱加丹皮犀角

火盛加黃連石膏羚羊角

有斑加金汁玄參

頭面不起加川芎雞冠血

咽喉痛加射干玄參山豆根

狂亂躁擾加地龍汁

毒重血凝加猪尾血木片

量見大小用

近世涼血解毒多用地丁銀花湯煎藥

凡看痘初起要根盤其痘易長統倘尖瘦不肥多險成漿之後務要根盤卽化一線圈紅緊附頂滿滾圓是爲毒化若頂陷頂皺根盤黯殭其毒與氣血交凝實宜攻虛宜補。

實火宜清攻不宜早看來火色大赤痘形色濕潤方可攻托否則搔擦立至乾剝毒陷不治。

虛有血虛氣虛之分血虛爲熱氣虛爲寒但虛熱與實熱不同虛熱用滋清方藥。

痘頂屬氣根盤屬血氣領血載毒可假煉化漿凡體強

質實者多火。以清涼之劑。次解漿成。慢補則瘕。瘕者瘻也。其氣虛血弱。色必淡白。形不雄偉。或頂陷。或皮皺。內症則惡。心少食便溏。年少未進穀食者。腸胃薄劣。最多虛症。七日以來元氣用事。不能勝毒。使之外出。多有內陷致變者。余最究心是症。調之應手取效。魏氏保元湯。聶氏參歸鹿茸湯。陳氏木香異功散。腸滑不禁。用七味豆蔻丸。白朮散。理中湯。多獲奇效。甚者必用三服。

大凡兒肌白嫩者多虛症。蒼黑者多實火。雖爲大槩。亦屬至要。白嫩發痘。色必鮮艷。勿謂便是善症。蒼黑發痘。色必晦昧。勿便許爲凶。總以神氣安靜。顏色日換。形象

漸長便吉。

六七日伍氏內托散

生黃芪 甘草 陳皮 川芎 當歸

白糯米 防風 天蟲 角刺 銀花

血熱者不用芪防芎歸 表疎者去天蟲角刺

血熱仍用丹皮地黃紫草連翹羚羊

猪尾雞冠雞鳴散達表之藥 猪尾膏通裏之藥

保元湯 人參 黃芪 炙草 加川芎當歸名芎歸

保元 虛寒加肉桂 升頂加鹿茸

氣滯正氣加廣皮厚朴 瀉加木香肉果

質弱加坎炁河車 瀉逆加丁香厚朴

參歸鹿茸湯

人參

當歸

鹿茸

黃芪

龍眼肉

炙草

木香散

人參

木香

丁香

次腹皮

桂心

青皮

訶子

半夏

甘草

前胡

赤苓

異功散

人參

木香

官桂

廣皮

當歸

茯苓

丁香

白朮

附子

肉果

厚朴

半夏

荳蔻丸

肉果

木香

砂仁

枯礬

訶子 龍骨 赤石脂

白朮散 四君加藿香木香

七八九日頻用清涼。痲灰色既退。漿不能透。或有半漿。頂有箸笠之形。不克充灌。今人多用桑蟲漿生用。雞冠血生用。同酒漿和服。倘攻起。少頃後呆滯者。須用補托。伍氏攻發藥。用老人牙煨研極細。加麝香少許。每服二三分。名黑靈丹。

右天蟲乃疎表風藥 山甲乃攻經隧風藥 一味爲末酒漿服曰獨勝散

凡蟲蟻皆攻無血者走氣有血者走血飛者升地行者

降。凡漿足聲音啞者不妨。驟喘痰升者大忌。翁仲仁云。挫喉聲啞。漿行飽滿亦無妨。蓋痘漿因熱氣以煉成。必升騰以達頭面。肺位最高。熱上蒸迫。肺先受損。是以聲出不揚。倘喘急扶肚擦胸。乃火毒歸肺。必不治矣。

火毒歸肺。幼科每用珠子牛黃膏連之。屬多不效。余遵孫真人葦葶湯。或仲景葶藶大棗湯。間有效者。肺氣壅遏。苦寒直下。已過病所。故無效。

方書以六七日已前寒戰屬肺熱。六七日已後寒戰屬氣虛。六七日以前咬牙屬胃熱。六七日已後咬牙屬血虛。亦屬定論。

八九日癢場咬牙。痘不起漿。或灰白。或涸。或癩。危險極矣。速速溫補。亦可望生。翁仲仁云。場陷咬牙。便實聲清。猶可治。聲清則上無熱。壅痰聚。便實則腑陽未至。盡洩。所以溫補得效耳。木香散 異功散

八九日順痘。漿色蒼黃。毒氣悉化。亦云垂成。須謹防護。持搔損流膿裂血。倘正氣大泄。毒從虛陷。常有不治之患。斯時預囑件毋勿懈。使癩腐乾結。肌肉完固。便是全功。若痘已破碎。聲不啞者。毒不陷也。無妨。

伍氏方用芍藥湯

炒白芍

苡仁

茯苓

地骨皮

銀花

一百合

山藥

建蓮

十一二日漸次成痲之際極好之症必有咳嗽或夜暮身熱世俗幼科僉云毒氣未盡槩投苦寒多有胃減廢食釀成痘勞童怯者吾嘗論痘自腎臟骨髓之中由肝主筋心主血脉脾主肌肉肺主皮毛從內之外毒乃渙釋收疤之時真氣歸裏肺合皮毛是爲末傳處位高體清肅從前灌脹成痲蒸迫之氣受虧已極氣泄爲咳矣况投利濕下注藥而結痲其上焦已經轉燥若毒仍留伏焉能收靨此斷斷然也再論幼稚陽常有餘陰未充長佈痘至於結痲一身脂液大損其陰氣告匱可知故暮夜屬陰時爲煩爲熱者正內經云陰虛生內熱也昔

西郊吳氏女。年甫四歲。痘係順症。幼科調治。至漿滿成。痂之日。忽發煩躁。夜熱不寐。晨起安然。醫用保元及錢氏五味異功。加芍藥與服。熱躁益加。又更一醫曰。毒氣未盡。乃悞補之故。用桑蟲漿。暨涼解藥。服後躁熱甚。而添泄瀉。邀余視之。觀漿痂形色。詢平素起居。時日當午。卽用六味地黃湯一服而安。此一條。人多忽而不究。故辨及之。旬朝後嗽。大法以甘寒生津胃藥。

蔗漿

麥冬

沙參

菉豆皮

地骨皮

甘草

玉竹

甜杏仁

解餘毒藥。全以不傷胃氣爲主。若用芩連。必須酒製。覆

聶二氏辨之詳矣。平和無奇，斷不敢事。如三豆飲之，屬若金銀花一味。本草稱解毒不寒。余見脾胃虛弱者，多服卽瀉。伍氏用連翹飲子，亦取平和。

痘毒癰瘍，熱症十有七八，虛寒十有二三。甚至骨出腐敗，亦有愈者。但外科大忌用火煉升藥。其診看之法，亦如瘍毒，須分陰陽耳。

痘疔濕盛生熱，強者用苦寒清降，以苦能去濕也。若阻咽廢食，以及穿腮破頰者，難治。

年長出痘，男女慾火已動，其初卽現膝痛腰痠，咽喉窒痛欲閉，苦辛寒藥必不效驗。宜甘鹹寒，滋水制火，佐以

解毒六七日來痛勢日緩。聶氏有參麥清補方。余每用錢氏六味加龜膠。玄參。秋石。獲效者甚多。

若漿不肯起。頻吐粘涎者凶。

凡惡痘凶危。時刻如諸悶症。不過三五日。已發而縮。其危最速。總在七日內。再若蒙頭。鎖喉。懸鏡。纏腰。蜘蛛。蚕種等。爲十惡症。其袁氏十八惡症。今人未嘗齒及。如此等痘。治之無益。徒招怨尤。更有糖沙夾斑。十朝危期。又根枝雖好。佈於歲內。幼小之兒。必八九風波。不治。牛漿毒陷之變。必斃於十一二四之期。若能食者。十救一二。痘至八九旬日外無漿。則裏毒不化。必哈啞。搔癢。痰潮。

不食。眼開。條欵難以盡言。危期速矣。常有忽然連串片
片之痘。裂水形如松脂。桃膠外露。轉眼堆聚。內症漸安。
變凶轉吉。更有旬朝內外。乾板涸如焦鍋巴狀。毫無生
氣。忽從地角承漿諸處。裂縫流臭水。漸升頭額。堆腫高
厚。若糊臉。名曰發臭。毒泄卽當補托。遲則氣脫。

驚

小兒倉猝驟然驚搐。古曰陽癇。從熱症治。古人用涼膈散
爲主方。

按急驚屬陽。熱病用涼膈。以清膈間無形之熱。膈上邪
熱逼近膈中。絡閉則危殆矣。此宣通乃一定之法。然必

詢病因察時候治之

幼科以痰熱風驚四治猶可說也。吾鄉有耑科立方鈎藤連翹木通薄荷前胡枳殼桔梗加入表散消食多不效驗。

驚爲七情內應乎肝。肝病發驚駭。木強火熾其病動不能靜。且火內寄肝胆。火病來必迅速。後世龍蒼本連必加冰麝硝黃。取其苦寒直降。鹹苦走下。辛香通裏。殺之閉也。如牛黃丸。至寶丹。紫雪。皆可選用。凡熱邪塞竅。神迷昏憤者。做此。

鈎藤丹皮之屬。僅泄少陽胆熱。與急驚暴熱內閉之症。

無益。若火熱劫燄血液。苦寒鹹寒不中與也。宜用犀角地黃湯之屬。

方書有鎮墜金石之藥。有攻風劫痰之藥。雖非常用。不可不考。

驚與厥皆逆亂之象。仲景云。蛔厥都從驚恐得之。凡吐蛔腹痛嘔惡。明是肝木犯胃。幼醫亂治。束手告斃。余宗仲景法每效。

慢驚古稱陰癇。其治法急培脾胃。理中湯爲主方。有痰嘔吐用南星白附子六君子湯。聲音不出。開竅如竹瀝薑汁。首蒲根鬱金之屬。

是病皆他病致變。其因非一。有過飢禁食氣傷。有峻藥
強灌傷胃。有暴吐暴瀉脾胃兩敗。其症面青皖白身無
熱。雖熱不甚。短氣骨爽昏倦如寐。皆溫補治之。惟嘔逆
不受乳食。溫補反佐薑連。連理湯。錢氏益黃散。

錢氏異功散

疳

穉年五疳。猶大方之五勞。雖方書有五臟之分。是疳夏令
爲多。固從脾胃。蓋小兒乳食雜進。運化不及。初斷乳後。
果腥雜進。氣傷滯聚。致熱蒸於裏。肌肉消瘦。腹大肢細。
名曰丁奚。或善食。或不嗜食。或渴飲無度。或便瀉白色。

久延不已多致凶危。宜忌食生冷腥肥凝滯。治法初用
清熱和中分利。次則疎補。佐運常有樂病。治之無效。待
妊婦產過自愈者。

夏季霍亂吐瀉通用藿香正氣散。

水瀉宜分利。四苓散。寒加薑桂。熱用苓連。

腹痛宜疎氣調氣。用木香青皮。有滯加炒查肉厚朴。重
則加萊菔子檳榔。

腹痛有熱。用苓芍枳實。有寒則用草果砂仁吳萸。

吐瀉後能食。便反秘結者。愈不能食。神怯色痿者。防慢
驚。治法調中溫中。若有餘熱煩渴。甘寒或甘酸救津。故

木瓜之酸制暑通用要藥

春溫風溫

春月暴暖忽冷先受溫邪。變爲冷束。咳嗽痰喘最多。辛解忌溫。只用一劑。大忌絕穀。若甚者宜晝夜豎抱勿倒。三四日。夫輕爲咳。重爲喘。喘急則鼻掀胸挺。

春溫皆冬季伏邪。詳於大方諸書。幼科亦有伏邪。治從大方。然暴感爲多。如頭痛惡寒發熱。喘促鼻塞。身重脈浮。無汗。原可表散。春令溫舒。辛溫宜少用。陽經表藥。最忌混亂。至若身熱咳嗽有痰之症。只宜肺藥。辛解瀉白散。加前胡。牛蒡。薄荷之屬。消食藥只宜一二味。若一二更。

俱通者。消食少用。須辨表裏上中下何者爲急。施治。
春季溫暖。風溫極多。溫變熱最速。若發散風寒。消食劫
傷津液。變症尤速。

初起咳嗽喘促通行用

薄荷

汗多不用

連翹

象貝

牛蒡

花粉

桔梗

沙參

木通

枳殼

橘紅

桑皮

甘草

山梔

泄瀉不用

蘇子

瀉不用降氣

表解熱不清用

黃芩

連翹

桑皮

花粉

地骨皮

川貝

知母

山梔

裏熱不清。早上涼。晚暮熱。卽當清解血分。久則滋清養陰。若熱陷神昏。痰升喘促。急用牛黃丸。至寶丹之屬。

按風溫乃肺先受邪。遂逆傳心胞。治在上焦。不與清胃攻下同法。吾鄉幼科當此。初投發散。消食不應。改用柴芩瓜蒌枳實川連。再下奪不應。多致危殆。皆因不明手經之病耳。

若寒痰阻閉。亦有喘急胸高。不可與前法用。三白吐之。或妙香丸。

暑熱

暑邪必挾濕。狀如外感風寒。忌用柴葛羌防。如肌表熱無

汗辛涼劑無悞。香豨辛溫氣升。熱伏易吐。佐苦降。如杏仁川連黃芩則不吐。宜通上焦。如杏仁連翹薄荷竹葉。暑熱深入。伏熱煩渴。白虎湯。六一散。暑邪首用辛涼。繼用甘寒。後用酸泄。斂津不必用下。暑病頭脹如蒙。皆濕盛生熱。白虎竹葉。酒濕食滯。加辛溫通裏。

小兒發熱最多。變蒸之熱。頭緒煩不能載。詳於巢氏病源矣。然春溫夏熱秋涼冬寒。四季中傷為病。當按時論治。其內傷飲食治法。不宜混入表藥。消滯宜用丸藥。潔古東垣已詳悉。

痧疹

溫邪

袁 溫邪痰嗽氣喘肚膨四日不解防發痧。

連翹 山梔 牛蒡 杏仁 石膏

肺熱邪留

汪 痧將退熱未去肺氣不清咳逆無痰。

前胡 桑皮 杏仁 橘紅 桔梗

木通 蘇子 象貝

王 痧隱太早咳喘發熱宜開肺氣。

薄荷 杏仁 象貝 連翹 桑皮

木通 紫苑 鬱金

某 溫邪發痧不透。熱毒內陷深藏。上薰肺爲喘。下攻腸。則利皆冬溫火化之症。經云。火滯於內。治以苦寒。妙料不究病本。不明藥中氣味。愈治愈劇。至此凶危。

川連

黃芩

飛滑石

炒銀花

連翹

甘草

丹皮

地骨皮

蔣 喘爲肺病。脹乃肝病。因時痧寒熱未解。熱邪內陷。所致。王先生用苦辛酸法極通。然浮腫腹痛未減。得非經腑之濕熱留着歟。

木防已

石膏

杏仁

大豆黃卷

通草

薏仁

連翹

火米

艾 痧退後。呻吟不肯出聲。涕淚皆無。唇紫。脈腫。乃毒火未經清解。上竅漸閉。氣促痰鳴。猶是溫邪客氣。致此自當清解務盡。其神識自和。奈何以畏虛滯肺。邪火愈熾矣。

川連

玄參

杏仁

甘草

黃芩

連翹

桔梗

銀花

王

痧後及暮加喉痛咳

玄參

犀角

鮮生地

連翹

花粉

丹皮

風濕疹

那

咽痛鼻燥唇腫自利。風濕熱化發疹。上焦熱熾。宜辛

涼微苦以泄降

蓮翹

黃芩

犀角

桔梗

牛蒡

杏仁

玄參

通草

論

諱六歲溫邪時癘觸自口鼻穢逆遊行三焦而為麻疹目赤

鼻煤吐烟瀉痢津津汗出而喘渴欲飲當與辛苦寒劉

河間法世俗不知愈曰發痧但以荆防蟬殼升提火得

風颺焰烈莫遏津劫至變矣涼膈去硝黃加石膏牛

芽赤芍

張三
歲手足煩熱時發赤塊

藜豆殼

捲心竹葉

無論

痘

程 見點若隱若現。神倦不寧。勢如悶伏。表裏俱不宜暢。雙解固宜。再佐以芳香搜毒。使蘊伏之毒透發為主。

紫雪丹

周 熱閉心胞絡中。目綻口開舌縮。兩手撮空發瘧。渴通便瀉。血分大傷。九日險期。按法圖倖。勉與紫雪丹二錢。開水調緩緩下。用茶銚。倘得神甦。速舒。方有生機。

又 神醒舌絳。紫音縮。渴飲不已。心胞熱閉雖開。而在裏脂液已涸。古人以心熱消渴。多係臟陰現症。不可攻奪。

明矣

鮮生地

竹葉心

玄參

知母

銀花露

金汁

先用紫雪一錢

邪實
每悶症

翼

初起腰足俱爽。肝腎蘊毒不得外越。目泛匝舌。癰增

喘促是緊關不治之症。諸醫僉用石膏大黃。然此藥僅

適陽明胃腑之壅。未能搜逐肝腎至陰之臟。讀宋醫錢

仲陽直訣。毒伏於陰。亦有下奪之法。其製方曰。棗變丁

祥丸。乃百中望一二生全者。

紅芽大戟

五錢 紅棗 五枚

水煮至棗熟去核及大戟

湯。但用棗肉研化開水送

某毒伏不肯宣透。氣滯血凝。焉能起綻成漿。七八險關。

診視肉腫瘡枯。神躁不安。議疎利內壅。佐活血透肌法。

犀角

紫草

炒查

鮮生地

酒浸大黃

紅花

青皮

丹皮

連翹

牛蒡

芽根笋尖湯代水

俞發熱五六日來。神煩不寧。腹膨咳逆。詢知二三日。

眉間見點數粒。狀如麩痞。隨即隱伏不見。乃毒重壅遏。

悶伏景象。設或發出。亦屬重險。且甫生六月。胃之穀氣。

難進湯藥。擬進紫雪。須少搜其蘊蓄之邪。使其神安再。

商 紫雪丹一分

高點雖繁密。根脚綻立。寒涼藥不宜太重。可以維持收功。

犀角

連翹

牛蒡

炒查

紫草

丹皮

天虫

桔梗

龐二朝神倦腹痛。點粒繁瑣。地界不清。是時邪毒火兼重。急進雙解法。使大便稍通。六腑氣宣。則痘毒外透。其商

犀角

連翹

牛蒡

酒大黃

紫草

青皮

桃仁

炒查

木通

生石膏

荆芥

笋尖

程。成片不立。頂焦黑滯。肝肺毒重。不能起脹。蓋得化毒。今喘咳交加。九朝難過。

羚羊角 玄參 連翹 天虫 土貝

紫草 炒查 丹皮 銀花地丁湯代水

錢三雖未發齊其斯形繁密色澤不潤更驗何疑今藥未全退尚宜清解。

犀角 生石膏 炒查 紫草 連翹

牛蒡 赤芍 桔梗 木通

程三身小氣弱。佈道繁稠用藥不宜寒涼。五日後受得補托。可冀有成。

連翹 牛蒡 炒查 紅花 天虫

川芎 歸身 桔梗 炒乾荷葉

毛 身小氣弱。漿發驚爲屬虛。

人參 炒歸身 炙草 廣皮 炒白芍

炒黃米

童^四痘形粘着肌肉。不肯起綻高立。兼之漿紅殼薄。乃時
火毒火交熾。而元氣素虧體質。自今六日前。時癘未徹。
宜先清解活血提頂。希冀磊磊分成地界再究。

犀角 羚羊 玄參 丹皮 炒查

秦皮 紫草茸 銀花

鄭 痘發猶然身熱咳嗽。乃風溫入肺未解。該其點粒粘
着不爽。溫邪鬱滯氣血。更體質素虛。議開肺氣以宣之。

活血以疎動之。冀其形色充長。若一進沉降恐無好音。

連翹

桔梗

紅花

牛蒡

甘草

炒杏

鬱金

丹皮

雞冠血

又

昨進輕揚提頂活血。痘形頗長。所嫌色不光潤。蓬鬆

盤奩。有乾塌無漿之慮。今明時氣將解。氣血用事。況正欲納穀。苦寒不但冰伏毒氣。更防大傷胃口。古人於重症更加詳慎者爲此。

川芎

當歸

天虫

桔梗

甘草

角刺

紫葳茸

丹皮

炒杏

又

六朝進和氣血法。形色畧潤。究不肥綻。焉得起脹成漿。慮

進十宣散法

人參

川芎

歸身

廣皮

紫草茸

天虫

紅花

白芷

甘草

桔梗

張四朝四船小重載難許全功。勉議進雞鳴散二分。

陸五朝五點雖不密。色滯形痿。痰多嗆逆如嘶。是痘雖發出。毒

猶在內。上冲心肺。故有喘咳不寧之象。進涼血透毒法。

羚羊

桔梗

甘草

紫草

丹皮

川貝

連翹

玄參

射干

天虫

西牛黃

一分

朱朝四炒黃米

炒山查

紅花

笋尖

又朝五身小痘多。元氣最薄。胃腑未納穀味。湯藥太過。須慮

嘔泄宜少少與藥扶過八九風波方得平安。

川芎 炒當歸 桔梗 甘草 黃米 雞冠血

又^六朝薄嫩無漿仍宜內托。

黃芪 防風 歸身 川芎 紫草茸

丹皮 天虫 桔梗 甘草 雞冠血

宋^五朝顴頰形似紅沙餘痘乾枯不潤昨進清毒活血續發

點子盈千仲仁謂毒重壅閉氣血必乾焦退縮今五朝

形象僅似初齊痘以十二日爲常數已經壅遏未發三

日矣當此質薄神弱恐難延多日卽或望其堆沙發臭

然必在旬日以外目下總以解毒清涼八九波濤洶湧

恐難人力穩全

犀角 羚羊角 川連 炒查 土貝母 紫草茸

玄參 鮮生地 連翹 丹皮 牛蒡子 猪尾血

吳五朝痘子分顆原屬純正所嫌色滯乾枯防八九癢塌

涼藥兼以活血是爲平準方法看守勿懈爲上

羚羊角 丹皮 連翹 炒查 紫草茸

黃連 玄參 天正 生地 雞冠血

孫 肌柔白嫩體質是虛但佈痘必由時癘感觸地中六氣咸從火化癘固客氣相混氣血若非清解何以透達今視色油紅按形鬆爽怯再視面部肌肉先腫痘形未

具起脹之象。體症未爲合局。慮進銳退速。清涼解毒。佐以提頂。在五六日之法。然險症變遷不一。未可以經常定論。

羚羊角

連翹

丹皮

天虫

生甘草

紫草茸

川連

炒查

桔梗

銀花湯煎。和入雞冠血數滴。

汪五朝

痘形繁瑣成片。色紫滯。乃火毒重險症。藉身大氣旺。

扶持十四險關。冀其發臭堆沙。痲幾可以圖倖。

犀角

羚羊角

桔梗

炒查

連翹

天虫

紫草茸

丹皮

石膏

銀花

地丁 牛蒡 猪尾血 冰片

又^六朝雖血熱毒重。猶幸八齡體堅。急清解活血。莫令痰阻。廢食扶持。堆沙可望。向安。

照前方去石膏。地丁。天虫。牛蒡。加川連。玄參。土貝。

查痘子成漿。濕氣蘊於皮毛。與熱氣相蒸。內應乎肺。發出罩痘疹。宜忌葷腥。輕清理肺。淡滲消其濕熱。驗其體質最薄。慎勿過劑。

苡仁 茯苓 連翹 地骨皮 通草

桑葉 白沙參 甘草

顧痘發由絡。其毒不化而轉陷。亦歸於絡。當世畧曉攻。

補而已讀古人書辛香溫煦乃治毒陷大法

人參

肉桂

炙草

丁香

厚朴

訶子皮

廣皮

木香

前胡

茯苓

徐未納穀食但以湯藥所以滑泄不止頭仰胸突擁痰身熱肺熱未清不可驟補翁仲仁有泄瀉安寧大虛少壽之議姑以和中清咽再商

桔梗

甘草

炒歸

川芎

廣皮

炒查

炒黃米湯煎

冲雞冠頭

又朝身小疔密氣弱難任雖清漿三四匙宜慎八九日不致損破可以有成

人參

黃芪

炙草

紫茸

天虫

廣皮

川芎

歸身

厚朴

炒查

加炒冬米

孫^七朝

色嬌皮薄漿汁未灌緣身小痘多氣血交虧不能運

壽化漿八九日期最有癢塌之慮扶過十二朝無變庶

幾可望有成進參歸鹿茸湯法

人參

歸身

鹿茸

生黃芪

炙草

廣皮

厚朴

衆木香

又^八朝

照前方加肉菓炒冬米

又

漿清四五不能充灌因元氣餒弱不振不能煨煉毒

氣成漿。恐有內陷之慮。再進補托。冀其堆沙。或可回春。

人參 黃芪 廣皮 炙草 木香

鹿茸 歸身 肉果 坎炆 官桂

又十三 屬痲甚薄。中凝血跡。兼之滄逆帶嘔。食人便有不化之形。此虛中有毒。非純補純清之症。

炒川貝 炒銀花 茯苓 苡仁 甘草

地骨皮

楊八 潤場滯陷。變色白滯不榮。謂之氣衰毒陷。所冀堆沙加食。一線機耳。

人參 黃芪 川芎 歸身 木香

炙草

廣皮

桂心

又十一藥滿堆沙。四肢圓絃。但氣弱。恐其不肯收。痲必實脾利水爲法。

人參

冬朮

炙草

茯苓

新會皮

白芍

又十三朝已經堆沙加。都是向安之象。便溏滑膩。皆寒溼

傷裏腸中脂垢自下。當脾胃藥中少佐固腸。以久延不

已尙貽變症。

人參

熟朮

訶子

廣皮

肉果

白芍

木香

炙草

茯苓

又十六朝納食不化腹膨便糞白色要詰胃滯當消脾弱宜補古稱痞滿屬氣氣行滯通但痘後虛體純消猶恐變症

人參

焦木

炒查

木香

焦麥芽

廣皮

茯苓

澤瀉

鮑九漿不外達毒欲內陷已瀆咬牙滑瀉嘔惡內症諸款皆屬深畏二十四總屬險關痘子毒氣必氣元旺其托出讓以陳氏木香散救裏托毒

人參

木香

丁香

官桂

炒歸身

厚朴

廣皮

肉果

訶子皮

孫 面腫目泛頭搖微嘔肝風離體乘上逆攻此乃變驚
欲厥之象夫相火寄於肝胆氣歛痘痂宜進涼解清毒
倘得微熱緩仍進藪方有佳音。

羚羊角

川連

鈎藤

石菖蒲

黑山梔

胆星

天麻

連翹

又

肝風勢定痘蝕亦緩仍宜清熱解毒但不可犯胃

羚羊角

連翹

胆星

丹皮

炒銀花

金石斛

茯苓

諸

十三

痘已收靨然痂落太早恐有餘毒今瀉止瀉短宜

進清涼佐以分利

生苡仁

百合

茯苓

川斛

白沙參

炒麥冬

某 已經回痲不宜再進補劑恐氣血壅滯致有餘毒
幻宗翁仲仁清涼以助結痲之法

黃芩

銀花

川貝

甘草

地骨皮

桔梗

連翹

苡仁

胡十五朝 雖然堆沙屬痲咬牙發噎毒氣未盡上冲心肺補
清皆在難進扶過十八日後瘰毒尙可療治若發疔腫
恐難全愈

炒麥冬

白沙參

苡仁

川貝

炒銀花

地骨皮

沈

十三

漿未充滿忽然乾涸卽是倒靨咬牙寒戰元氣大

虧非峻補難挽

人參

鹿茸

炒當歸

桂心

桂圓

煨木香

程 回痲太早餘毒流走四肢臂腿腫痛議活血解毒

連翹

小生地

當歸

赤芍

刺蒺藜

丹皮

夏枯草

銀花

酒半小杯

吳

十四

朝 噎咳嘔逆腹膨都是餘毒內閉小便少大便溏不

得爽倘再加喘急便是棘手必得瘍毒外發可望挽回

桑白皮 大腹皮 菘豆皮 茯苓皮 飛滑石

生甘草稍

查 痲後發痧。係肺熱未清。宜辛涼佐以解餘毒。

連翹 杏仁 桑皮 地骨皮 黃芩

木通 銀花 牛蒡 夏枯草

吳^{十四}朝 薄漿回痲。毒氣未化。已有疔蝕之患。理進清解餘

毒。但勉進稀粥。糖瀉未罷。胃未旺。相脾氣積弱。議以參
利分消。倣古痘毒。當利小便意。

桑皮 地骨皮 連翹 茯苓 川貝

苡仁 銀花

某痘未退。痧火內逼爲喘。

川連

犀角

連翹

銀花

玄參

大貝

丹皮

地骨皮

又痧火未清。

川連

黃芩

山梔

連翹

銀花

杏仁

甘草

沈

薄漿回痧。毒氣未盡。只宜清肺解毒。

炒川貝

茯苓

苡仁

車前

炒澤瀉

炒銀花

徐

十六朝

疔毒已發。咳喘未止。痂落如髮。肌色皎白。雖屬氣

血交虛。但痘後餘毒未可驟補。議進升脾胃利濕方法。
疔毒宜速調治。恐日久愈虛。致有慢驚之慮。

苡仁

川斛

茯苓

百合

廣皮

炒瀉瀉

沈二十朝痰喘失音。不嗜食物。晝則稍安。暮夜煩躁。此肺熱
未肅。磨耐多日。體氣陽亢陰虧。肝風內熾。突起驚厥可
慮。

地骨皮

甘草

生地炭

菉豆皮

炒丹皮

炒川貝

川斛

李二十朝納食嘔吐。脾胃不和。肝風內動。肢浮肉腫。治宜培

土制木以緩肝風。冀免驚疳之患。

人參

茯苓

炒芍

生穀芽

藿香

廣皮

半夏

馮二十朝痲醫粘連。神氣皆昧。元爲漿泄而乏。變幻慢驚欲脫。此皆穉年陽亢陰虧。毒明目窺。肝陰之絕。恐難再振。

人參

茯神

棗仁

歸身

炙草

炒杞子

生白芍

又三十朝陽極則煩。陰涸爲躁。夜甚劇。自從陰分設法。益虛和陽爲治。

人參

熟地

芡實

茯苓

建蓮

遠志 炒山藥 五味

楊 點來不爽。頂有水痕微焦。此時氣傳染。胎毒未發。乃水赤之類痘耳。

連翹 牛蒡 丹皮 赤芍 飛滑石

木通 山梔 甘草

邵 痘中復感溫邪。口鼻觸入。由中道以佈及絡脉。目泛失明。左肢不舉。少腹突起腫滿。兩足皆痿。詢知痘見六日。陡然頭搖煩躁而得。小便淋漓。大便漸塞。乃厥陰肝熱。疝瘕失其疎泄。內風旋轉。腑陽不通。經言暴腫暴脹。皆風火變動。至於迅速病來。其能食消運。熱化自可殺。

穀考古辛散酸泄甘緩三法。難圖腑絡壅結。仲景於厥陰條例。有下之利不止者死之大戒。議進鹹苦以通在下結熱。愚見若此。再與高明商酌良治。

川棟子

小茴

蘆薈

山梔

橘紅

龍胆草

方諸水七匙

自古治痘名家。不管甘數。各有精確卓識。以補前人之未備。雖各有所偏。實所以相濟也。醫者貴統彙羣書。隨宜施治。安可執偏隅管見。以應無窮之變哉。先生治痘。以稱神奇。觀其案中寒熱攻補。不膠於一見。如毒火深伏。氣血壅遏者。藉芳香以搜逐。用紫雪丹。

氣滯血凝。毒重火伏者。以酒大黃石膏青皮桃仁荆芥犀角猪尾血之類主治。肝肺毒火不宣。氣血有焦燔之勢者。用犀角羚羊紫草丹皮石膏鮮生地之類。元氣不支。陽虛毒陷。而見灰白濕爛泄瀉嘔惡等症者。用辛香溫煦。如陳文仲之法爲要。氣血極虛。而漿清塌疔。全無實症相兼者。當峻補氣血。用參歸鹿茸湯。及坎炁湯之類。氣虛莫外乎保元及四君子。血虛不離於四物及補血湯。又有氣虛血熱者。補氣之中兼涼血。血虛氣滯者。補血之中佐辛香。用攻法瀆分部位經絡。用補法當辨寒熱燥濕。過清則有冰伏之

慮偏熱則有液涸之虞。此皆先生採擇先賢之法。因人見症而施治。可謂善法古者矣。夫痘雖以形色辨其吉凶。然內症尤爲緊要。如痘點既起。或不慎風寒。而營衛凝滯。或縱恣飲食。而氣機呆鈍。以致身熱不食。腹膨嘔惡泄瀉。漿水不行。不究治其病因。但執清寒感補。常有凶危之變。亦有痘形雖重。若神寧安靜。飲食二便如常。聲音清響。調理得宜。亦可轉危爲安。大凡形老而色鮮明者。雖甚密。變幻恒少。形嫩而色晦滯者。雖稀疏。變幻恒多。表裏相參。審症的確。然後設法處治。方無貽誤。至於逆症條款已現。雖自昔名

醫亦莫能挽救。小兒夭枉者不可勝數。深可憐憫。邇年以來。幸有種痘一法。盛行於世。實可挽回造化。凡有小兒者。俟週歲後。即可選用種痘之苗。引而發之。百不失一。此誠補痘科之未備。而爲最上一乘之法也。正痘有先賢諸成法。避險有種痘之良方。痘症於是乎大全矣。

陸履安

痘之發也。一由乎胎毒內伏。一由於外感時邪之氣引導而出。其症之順逆。若內毒輕而外感之氣亦輕者。痘必稀疎。此爲順症。若內毒輕而外感之氣重者。慮其遏悶不齊。不易灌漿。若能至灌漿則時邪漸退。

後易收功。此爲先重後輕症。若內毒重而外感之氣輕者。慮其灌漿已後。毒難盡洩。不易收靨。結痂。恐發痘毒。疔蝕之患。此爲先輕後重症。若內毒重而外感之氣亦重者。痘必稠密。色不鮮澤。發熱見點之後。一路踏踰。難以收功。此爲逆症。然胎毒之輕重。人皆易明。若外感之氣。人莫能曉。夫天地間。祇有六氣。氣平則爲和氣。不平則有勝復。勝復至極。則爲厲氣。爲瘟疫氣。瘴氣。更有道塗中穢濁氣。人若感之。不拘老幼。俱病。今出痘所感之氣。則異乎。是此氣獨與未洩胎毒之小兒。兩相感觸。未聞痘症盛行之時。已出過痘。

之兒亦染病患也。考是氣自古迄今。從未有入申說
明白。確定爲何氣。故前賢於痘症一科。未嘗不殫心
瘁慮。立論著方。因不明其氣之源。不無偏執之藥。有
喜於寒瀉者。有喜於溫托者。有先用寒瀉而後用溫
補者。有先用溫托而後用清火解毒者。更有不審兒
體之虛實寒熱。俱宗費建中救偏瑣言。每於發熱見
點時。槩用大黃石膏黃連犀角羚羊茅根蘆根等。不
知費氏之書。名爲救偏。乃救慣用熱藥之偏耳。若本
不偏而宗其法。則不偏者反至偏矣。嬰兒之命。其何
以堪。幸古有種痘良法。相傳至今。其法簡易靈驗。至

穩至當。蓋正痘因外感時邪而發。種痘則種於無病之時。故所出稀疎。輕者不過幾十粒。此豈非避危就安之妙法乎。倘愚人不信。何不將自出與種出彼此相較。其理自明。假使一村之中。有百兒出天花。未嘗不延醫服藥。若能八九廿收功。人咸稱爲太平痘矣。甚有竭力調治。而損傷幾及一半者。不聞其歸咎於醫生。惟有委命於天而已。今若種百兒之痘。設或損傷四五個。則必責罰種師。并不容其托足於此一村矣。人何篤信醫生而不相信種師耶。與其委命於天。孰若以人功挽之。以此相較。則當種與不當種。自決

矣。至於種法全在乎好苗。夫苗者即取他兒之痘痂也。必要用種出之痘。落下之痂。謂之種苗。此苗之中毫無天行時毒之氣在內。故放心可用。若自出天花之痂。謂之時苗。此苗之中有時行之氣。若不辨而用之。名雖爲種。實與傳染他兒天行時痘之氣無異。此時苗之不可用也。然種苗之內尚要揀擇。必取痘粒稀少。其色紅潤。溼漿濃厚。所結之痂厚實。光澤尖圓者。此氣血充足。陰陽合德。上好之苗也。俟痂落下。用紙包好。記明何日收得。收貯新磁瓶內。緊護其口。置清涼之處。勿觸穢熱之氣。其苗在北方。天氣涼。春月

之苗一月之內尚可種。冬月之苗四五十日尚可種。南方氣溫。夏月之苗四五日。春月之苗二十日。冬月之苗三十日。若延日久。則氣薄無力。恐種不出矣。欲覓此等種苗。先訪有人家正在種痘之際。向彼明言其故。懇求四五粒。即可源源而種。或平日於同道種師內。相與一二位志誠老實者。議明彼此互借。則苗亦可不斷。亦有龐大種師。於五六月中。覓貧家壯實之兒種之。不惟不索酬謝。反肯津貼銀錢。次遞傳種三四箇兒。延至七月。則苗亦可以不斷矣。近有種師。因種苗已斷。權取時苗種之。往往有種出稠密棘手。

重症者。皆時苗之過也。不知時苗之性。卽選上好者。亦必要傳種過四五兒。俱各順當者。其苗性始和平。方能與種苗相等。至於下手種法。尤須詳慎。凡種一兒。用痘痂三四粒。兩兒則用六七粒。放於乾淨茶杯中。傾入清水四五茶匙。用小指尖在內三四攪。則痂已濕。急將水傾去。用柳木杵研。其杵約長四寸。粗如筆管。兩頭要光圓。研十數轉足矣。如痂太乾。加入清水一二滴。切不可太潮。只要研如乾漿糊狀。用蠟紙新棉花捏一小團。如棗核大。兩頭要圓。其長短粗細。量兒鼻孔之大小爲之。其棉團不可太鬆軟。鬆則苗

氣易往外洩。且見滲則縮小。易於脫出。將棉團只用
一頭蘸茄末糊於上。塞兒鼻中。男左女右。塞不可太
進。太進則兒不滿意。亦不可太出。太出則易於脫落。
總要寬緊淺深適中爲妙。塞後勿放小兒用手拈出。
若被噴嚏打出。急將苗仍塞入鼻。下苗後以六個時
辰爲度。天氣熱早取出數刻。天氣寒多留數刻。痘苗
取出之後。其苗氣漸次傳遍五臟。至七日或八九日
始發熱。發熱三日而見點矣。此誠至穩至當之種法
也。種痘之苗。不過痘痂一味。今各處種師。詭稱痘痂
之外。尚要加他藥爲引導者。此係惑人。謹語。切勿信。

之既種後將發熱時小兒頸項內男左女右必發一
小塊狀如痰核此乃毒氣結聚於此故痘發必稀疏
此塊不必醫治待落痂後則塊亦漸消矣若用時苗
種者項中無塊當以此辨之又聞有驚痘於發熱時
小兒忽然驚搐手足蹇不語目上視有片時卽平復
者有發一二個時辰者有發一次者有發兩次者總
屬不妨斯時切不可擾動叫喚之待其自平卽已不
必服藥須預對痘家說明免其憂慮以上諸論皆時
下種師之秘訣也若夫辨兒之可種與不可種須察
兒體之虛實及有無宿病若調治之法當節飲食適

寒溫防驚嚇此皆種師俱各明悉茲不重贅

鄭望頤

疝

沈

穉年歇乳進穀脾胃氣餒少運腹膨目翳是爲五疝。

脾胃虛弱
和氣不

夏日中土司令久病投以補氣恰合調其脾胃近日嘔吐泄瀉身熱乃寒暄失和致食不易化小溲旣少腑氣不和余幼科久疎憶錢氏每以調中爲主而驅邪都主輕法深慮脾土傷則延驚癇耳。

益智仁

焦朮

茯苓

廣皮

藿香梗

厚朴

查肉

澤瀉

張四
歲五疝腹脹數月法當疎補。

人參

茯苓

麥芽

炒查肉

廣皮

半夏

湖蓮

又

照前方去半夏湖蓮加澤瀉

內傷水滯重積

陳五

官人自汗短氣咳嗽風溫見症肌腠有瘰癧之形與

疹瘡腑病不同但幼穉生陽充沛春深入夏形質日減

色脈是虛而補脾辛甘不應腹滿按之自爽二便原得

通利腹痛時發時止痛已卽能飲食考幼科五疳與大

方五勞相類疳必因鬱熱爲積爲重此飲食不充肌膚

也病來非暴攻之由漸再論疳熱重積古人治肝治胃

恒多而潔古東垣於內傷夾滯亦製九劑以緩治取義

乎渣質有形與湯飲異岐刻下濕邪擾攘之餘聊以甘涼之屬清養胃陰以化肺熱其辛氣泄表不宜進。

甜杏仁

麥冬

地骨皮

生甘草

冬桑葉

玉竹

和入青甘蔗汁一酒杯

做治疴熱羸瘦從陽明厥陰疏通消補兼施

九方

人參

黃連

蘆薈

川棟子

使君子

茯苓

白芍

廣皮

胡黃連

南山查

食傷脾

某七

歲食物不節脾胃受戕腹膨大便不調此屬脾疴

焦木

茯苓

廣皮

益智仁

大腹皮

木瓜

炮薑

炒神麩

吳九能食。色枯形瘦。暑熱泄瀉。此皆口腹不慎。值長夏濕熱。脾胃受傷。將成五疳。

青蒿梗

松質炭

胡黃連

炒穀芽

炒白芍

炒山查

廣皮

茯苓

澤瀉

王

五疳已久。脾胃受傷。食物不運。腹膨滯瀉。此積聚未

清。中焦先餒。完穀不化。膈脹皆至。難治之症。七香餅

疳者乾也。小兒腸胃柔嫩。若乳食失調。甘肥不節。運

化不及。停積發熱。熱久津乾。此因積成疳者也。或五

臟偏熱。或因病後。或醫藥悞下。致下失津液。脾不斡

化。積滯不行。此因乾致積者也。故五疳不離乎脾胃。

其治法胃滯當消脾弱宜補熱者用苦寒清火冷者
宜辛溫健運有虫者兼用殺虫之品其虛者各隨本
臟補其母總宜丸劑緩調不能旦夕速功或用雞肝
納入治疳藥燉食最爲有效 陸履安

吐瀉

吳 身熱吐乳自利。溫邪內擾脾胃。穉年防驚。

藿香葉

飛滑石

王 未到周歲。熱犯脾胃。嘔逆下利。壯熱不已。最多慢驚之變。

人參

川連

黃芩

藿香梗

廣皮

生白芍

烏梅

某 暑邪犯肺。交土王用事。脾胃素弱不運。暑濕腹鳴泄瀉。惡心露睛。怕成慢驚。

人參

藿香

炒厚朴

木瓜

川連

茯苓

炒扁豆

澤瀉

章

傷食一症。考古用五積散之義。取煖胃使其腐熟也。

既上湧頻吐。大便泄瀉。胃氣益傷。陽氣坐困。日甚。清不升。濁不降。痰潮乾嘔。腹鳴便遺。睡則露睛。靨黑唇紫。小便竟無。陽不流行。津液自耗。有慢驚昏厥之危。議通胃陽。讀錢氏薛氏之書。能知此意。

人參

鬱金

炒牛夏

炒白附子

茯苓

菖蒲

炒廣皮

炒粳米

又

陽明胃陽受傷。膈病以通爲補。若與守中。必致壅逆。

昨日用方通勝於補獲安。幼穉非眞虛寒之病。

人參

茯苓

益智

廣皮

炒荷葉

炒粳米

又 鼻明汗出。衄血陽明虛。胃氣未和。不宜涼降。

六神湯加炒廣皮

虞 面色痿黃。脉形弦遲。湯水食物入咽吐出。神氣憊憊。欲如昏寐。此胃陽大乏。風木來乘。漸延厥逆。俗稱慢脾。險症。幼穉弱質。病延半月有餘。豈可再以疲藥玩忽。宗仲景食穀欲嘔者。吳茱萸湯主之。

人參

吳萸

茯苓

半夏

薑汁

又 昨用泄木救胃土法。安受不見嘔吐。然中焦陽氣大
虛。濁氣上僭。則爲昏厥。津液不升。唇舌乾燥。豈可苦寒
再伐生氣。今如寐神倦。陽陷於陰。何疑。仲景通陽理虛。
後賢錢氏薛氏。皆宗其義。

人參

炒半夏

茯苓

廣皮

煨薑

南棗

傷脾

蘇

周歲幼小。強食腥麵。身不大熱。神氣呆鈍。上吐下瀉。

最防變出慢驚。此乃食傷脾胃。爲有餘。因吐瀉多。擾動

正氣。致傷耳。

廣皮

厚朴

茯苓

廣藿香

生益智 木瓜

陳 涼風外受。內鬱熱伏。身發癢疹。便解血膩。煩渴得汗。僅解外風。在裏熱滯未和。啾唧似痛。大便仍有積滯。清裏極是。但半歲未啖穀食。胃弱易變驚症。少少與藥。

藿香梗 川連 黃芩 生白芍

淡竹葉 廣皮 滑石 炒查肉

余 形神衰弱。痕泄純白。而瀉湯并蝕未罷。氣喘痰升。總是損極。今胃虛納減。倘內風掀動。驚厥立至。孰不知因虛變病也。

人參 炒粳米 茯苓 炒麩皮 炒荷葉

胃不和

二疾中帶血食已嘔吐因驚仆氣逆令胃不和與黃連

溫胆湯因年弱質怯以金石斛代之 溫胆湯去甘草

加金石斛薑汁

胃虛氣逆

某九 久嘔少食

人參 半夏 茯苓 薑皮 薑汁

某 蚘厥少腹痛欲嘔 安胃丸

王九 久瀉兼發瘡痍是濕勝熱鬱苦寒必佐風藥谷平煎

垣脾宜升胃宜降之旨

人參 川連 黃柏 炙草 廣皮

白朮 神麴 麥芽 柴胡 升麻

羌活 防風

何一夏病入冬仍腹痛下積。穉年不慎食物。腸胃屢滯。利
久陰傷。身熱發冷。先與理陰。疎滯滯濁。

熟地炭 當歸炭 山查 炮薑

炙草 茯苓 麥芽

世俗所稱慢驚風者。不知起於何代。創是名者。其遺
禍於嬰孩。已不啻萬億矣。蓋就其所指之病而論。如
吐瀉兼作。氣怯神倦。虛煩搐搦。痰喘不食。肝虛無神。
睡則露睛等症。乃與病名毫不相關。其所指之症。是
或由外感未清。或諸病誤治。或飲食失調。或由病後

而成。以致吐則傷胃。瀉則傷脾。土衰則不生金。中虛木必乘尅。是皆肝脾肺胃之病。治宜急顧本原。扶土生金。安胃和肝。溫養腎陽。猶慮弗及。若就其名而治之。醫家胸中。先執慢驚風三字之名。概用重墜之藥。鎮驚定怯。或散風清火。豁痰破氣。其遺禍可勝言哉。蓋是症因中土已虛。風木已動。延久必現出似驚之狀耳。實則並非因驚而起也。奈何竟以慢驚風名之。豈非指鹿爲馬乎。要之慢字。若以急慢而論。則凡病之緩者。皆可稱爲慢。惟驚乃屬急症。不可以慢字加之。若以倣慢肆慢而講於病名上。又甚荒唐。惟願觀

幼科書者當知其背謬不通勿爲其所惑則幸甚。今
觀先生案中並未嘗用及驚藥風藥是明徵也。此症
更當兼參東垣立齋景岳諸法而治之則無遺蘊矣。

華輔集

臨證指南醫案

卷十

四

五

癇瘖厥

熱邪阻
發

周

穉年癇厥。病發迅速。醒來二便自通。此係陽氣拂逆。阻其靈竅。姑與清絡宣通方法。

犀角

遠志

胆星

黑山梔

玄參

菖蒲

連翹

竹葉心

陰風入
脾絡

唐

四面青脉滯。神呆。舌縮不伸。語寂寂然。癇症。四肢皆震。口吐涎沫。此陰風已入脾絡矣。

人參

生朮

蜈蚣

全蝎

薑汁炒南星

薑汁炒白附

邪通心

熱邪傷
陰肝風
動

某 伏邪經旬發熱不解唇焦舌渴暮夜神識不情慮其

邪陷心胞有瘥厥之變

犀角

捲心竹葉

鮮石菖蒲

連翹

玄參心

浙生地

又 化熱液枯

生地

竹葉心

丹皮

玄參

麥冬

生白芍

吳 冬月伏邪入春病自裏發裏邪原無發散之理更悞

於禁絕水穀徒以苓連枳朴希圖清火消食以退其熱

殊不知胃汁再劫肝風掀動變幻瘥厥危症診視舌絳

鼻竅黑煤肌膚甲錯乾燥渴欲飲水心中疼熱何一非
肝腎陰液之盡引水自救風陽內燥躁亂如狂皆緣醫
者未曾曉得溫邪從陰裏熱爲病清熱必以存陰爲務
耳今延及一月五液告涸病情未爲穩當所恃童叟食
穀多歲錢氏謂幼科易虛易實望其尙有生機而已

阿膠

生地

天冬

川石斛

雞子黃

玄參心

又鹹潤頗安其熱邪深入至陰之地古云熱深厥深內
涸若此陰液何以上承慮其疴蝕阻咽故以解毒佐之

玄參心

真阿膠

真金汁

細生地

天冬

銀花露

又胃未得穀。風陽再熾。入暮煩躁。防其復厥。

生地

白芍

麥冬

金汁

阿膠

牡蠣

金銀花露

又神識畧蘇。常欲煩躁。皆是陰液受傷。肝風不息。議毓

陰和陽

生地

牡蠣

阿膠

麥冬

木瓜

生白芍

又膈中熱熾。神躁。舌乾。痰多。吟哈。皆火刑肺金。宜用紫

雪丹一錢

小兒癩癩厥。本屬險症。十中每死二三。奈今之患者。十中常死六七。其故何也。蓋緣醫者不察病情。概以芩連鉤藤菖蒲橘紅等。夾金石之藥投之。以冀清火降痰而已。此醫之不善治也。而最可惡者。尤在病家之父母。失於調治。有名爲愛之。實以殺之之故何也。小兒諸症。如發熱無汗。煩躁神昏。譫語之頃。或戰汗大汗將止之時。或嘔吐泄瀉之後。或癩厥漸甦。或便久閉而適然大便。或灌藥之後。斯時正元氣與病邪交戰之際。若能養得元氣一分。卽退一分病邪。此際小兒必有昏昏欲睡。懶於言語。氣怯神弱。身不轉動。

之狀。此正當養其元神。冀其邪退正復。乃病家父母偏於此際。張惶驚恐。因其不語而呼之喚之。因其不睡而頻叫醒之。因其不動而搖之拍之。或因微有昏譫而必詳詰之。或急欲以湯飲進之。或屢問其痛痒之處。曉曉不已。使其無片刻安寧。如此必輕變爲重。重變爲死矣。更有豪富之家。延醫數人。問候者多人。房中聚集者多人。或互談病情病狀。夜則多燃燈燭以照之。或對之哭泣不已。或信巫不信醫。祈禱疊興。舉家紛擾。此非愛之。實以殺之也。試以大人之病情體貼之。抑好安然寂靜乎。抑好喧譁動擾乎。此理概

可知也。予曾見一孩。患者濕初瘧。半月有餘。病勢甚重。醫者投以蒼朮白虎湯。夜半發汗。至寅時身體漸涼。冷汗不止。默默倦睡。口不肯言。氣息甚微。醫云。六脈安靜。並不煩躁。此病退之象也。因戒其父母。切勿擾動。直至申時。汗止聲出。而病已霍然矣。可見無論大人與小兒。諸病總宜安然寂靜為主。其調養之法。有非筆墨所能罄者。惟在病家能細心體會。醫者能諄諄告戒。勿以余言爲迂。則幸甚。更有幼孩發熱昏迷。手足厥冷。竅絡阻塞。哭不出聲。藥難下咽。斯時惟有請善於推拿者。可使立時甦醒。然後再議用藥。至

於治法。痲痺厥本屬二症。與大方相類。茲不重贅。

雜考

虫

陳七歲濕傷脾胃失調下注小腸虫從溺竅而出糞滯完穀不可溫補

黃柏

茯苓

猪苓

槐米

澤瀉

葶藶

又

虫自小便而出。經月瀉皆粘膩。及不化食物。此非虛寒。皆濕蘊內蘊。運化失司。當苦藥勝濕。兼理幼穉疳積。

黃連

黃柏

茅朮

厚朴

澤瀉

槐角子

木通

使君子

淡竹葉

三服後續進肥兒丸

龔^七歲濕熱生虫腹痛便溏惡食

川連 胡連 生白芍 烏梅 枳實

川椒 炒查 青皮 水法丸

許腸有濕熱生蠹虫用苦寒引導小腸

苦楝皮 北秦皮 槐角子 胡粉 黃柏

牡蠣 生研末猪肚腸一條漂潔煮丸

張^十三丹溪云小兒盜汗不須醫以體屬純陽汗乃陽泄故也至於瘡多濕熱浮腫脹滿得攻下面消此六腑以通爲補也其少腹痛屢發亦由濕熱生虫生積當以酸苦

泄熱。

川連

胡連

生白芍

雞肫皮

炒香肉

蘆薈

枳實

苦楝皮

烏梅肉搗丸

汪六 吐漏時。願。瀉過白。虫。手足陽明熱甚。

槐角子

黃柏

樵子肉

生茅朮

樗根白皮

小川連

茯苓

炒地榆

蒸餅爲丸

虫類雖多。其源皆由飲食停滯。濕熱鬱蒸。變化而成者也。凡面色痿黃。飲食不爲肌膚。起伏作痛。聚散不定。痛止卽能飲食者。皆有虫積。或從嘔。或從小便。或從大便而出。治法當觀其微甚。若虫勢驟急者。當用

攻逐之劑如黑丑枳榔大黃胡粉山稜莪朮之類。虫
去則調其脾胃。緩者用酸苦泄熱燥濕。兼以相制相
畏之品。如川連胡連蘆蒼耳楝烏梅川椒雷丸蕪蘆
史君樞肉之類。脾弱者兼運其脾。胃滯者兼消其滯。
虫症治法。大畧如此。陸履安

案中所用諸方開載於後以便初學之士查閱

桂枝湯 桂枝 白芍 炙草 生薑 大棗

桂枝加附子湯 卽桂枝湯加附子

苓桂朮甘湯 茯苓 白朮 桂枝 炙草

小建中湯 白芍 桂枝 炙草 生薑 大棗 飴糖

桂枝去芍藥加蜀漆龍骨牡蠣救逆湯 桂枝 炙草 生薑

大棗 蜀漆 龍骨 牡蠣

生薑瀉心湯 生薑 乾薑 半夏 黃芩 黃連 甘草

人參 大棗

甘草瀉心湯 甘草 乾薑 半夏 黃芩 黃連 大棗

半夏瀉心湯 半夏 黃芩 黃連 人參 炙草 乾薑

大棗

附子瀉心湯 附子 黃芩 黃連 炙黃

黃芩湯 黃芩 白芍 甘草 大棗

黃連阿膠湯 黃芩 黃連 白芍 阿膠 雞子黃

旋覆花代赭石湯 旋覆花 代赭石 人參 半夏 甘草

生薑 大棗

炙甘草湯 又名復脈湯 炙草 桂枝 人參 麻仁 生地

阿膠 麥冬 生薑 大棗

烏梅丸 烏梅 人參 當歸 黃連 黃柏 桂枝 乾薑

蜀椒 附子 細辛

白虎湯 石膏 知母 甘草 粳米

白虎加人參湯 卽白虎加人參

竹葉石膏湯 竹葉 石膏 人參 麥冬 半夏 甘草

粳米

白頭翁湯 白頭翁 秦皮 黃連 黃柏

大黃黃連瀉心湯 大黃 黃連

豬膚湯 豬膚 白蜜 白粉

四逆湯 甘草 乾薑 附子

人參四逆湯 卽四逆湯加人參

通脉四逆湯 卽四逆湯加葱白 更有隨症加法

通脉四逆加猪胆汁湯 卽四逆湯加猪胆汁

白通湯 葱白 乾薑 附子

白通加猪胆汁湯 卽白通湯加猪胆汁人尿

术附湯 白术 附子 甘草 生薑 大棗

桂枝附子湯 桂枝 附子 甘草 生薑 大棗

理中湯 丸同 人參 甘草 白术 乾薑

吳茱萸湯 吳茱萸 人參 生薑 大棗

真武湯 茯苓 白芍 白术 附子 生薑

桃花湯 赤石脂 乾薑 粳米

麻黃杏仁甘草石膏湯 麻黃 杏仁 甘草 石膏

小青龍湯 麻黃 桂枝 白芍 乾薑 細辛 五味子

甘草 半夏

梔子豉湯 梔子 香豉

桃仁承氣湯 桃仁 桂枝 大黃 芒硝 甘草

四逆散 柴胡 枳實 白芍 甘草

白散 桔梗 貝母 巴豆

五苓散 豬苓 茯苓 澤瀉 白朮 桂

豬苓湯 豬苓 茯苓 澤瀉 阿膠 滑石

牡蠣澤瀉散 牡蠣 澤瀉 海藻 蜀漆 葶藶 商陸根

瓜蒌根

右仲景傷寒中方

鱉甲煎丸

鱉甲

烏扇

黃芩

柴胡

鼠婦

乾薑

大黃

芍藥

桂枝

葶藶

石葦

厚朴

丹皮

瞿麥

紫威

半夏

人參

廣虫

阿膠

蜂窠

赤硝

蜚蠊

桃仁

煨龍下灰

清酒

千金方有海藻大戟無鼠婦赤硝

白虎加桂枝湯

卽白虎湯加桂枝

崔氏八味丸

乾地黃

山茱萸

山藥

丹皮

茯苓

澤瀉

附子

桂枝

桂枝加龍骨牡蠣湯 卽桂枝湯加龍骨牡蠣

酸棗仁湯 棗仁 甘草 知母 茯苓 川芎

黃芪建中湯 卽小建中湯加黃芪

皂莢丸 皂莢 蜜丸棗膏湯送

麥門冬湯 麥冬 半夏 人參 甘草 大棗 粳米

葶藶大棗瀉肺湯 葶藶 大棗

千金葶藶湯 葶藶 苡仁 桃仁 瓜瓣

瓜蒌薤白白酒湯 瓜蒌實 薤白 白酒

赤石脂丸 蜀椒 烏頭 附子 炮薑 赤石脂

附子粳米湯 附子 半夏 甘草 粳米 大棗

當歸生薑羊肉湯 當歸 生薑 羊肉

甘遂半夏湯 甘遂 半夏 芍藥 甘草 一本無

木防已湯 木防已 石膏 桂枝 人參

小半夏湯 半夏 生薑

外臺茯苓飲 茯苓 人參 白朮 枳實 橘皮 生薑

桂苓五味甘草湯 桂枝 茯苓 五味 甘草

越婢湯 麻黃 石膏 甘草 生薑 大棗

防己茯苓湯 防己 黃芪 桂枝 茯苓 甘草

大半夏湯 半夏 人參 白蜜

大黃牡丹湯 大黃 丹皮 桃仁 瓜子 芒硝

當歸建中湯 卽小建中湯加當歸

甘草小麥大棗湯 甘草 小麥 大棗

旋覆花湯 旋覆花 葱 新絳

腎氣丸 與崔氏八味丸同

右金匱要畧中方

六味地黃丸 卽八味去桂附 煎服名六味地黃湯

都氣丸 卽六味丸加北味 再加附子名附都氣丸

還少丹 熟地 山藥 牛膝 枸杞 山萸 茯苓 杜仲

遠志 五味子 楮實 小茴 巴戟 菴蓉 石菖蒲

丹溪滋陰大補丸 卽還少丹去楮實

黑地黄丸 蒼朮 熟地 五味 乾薑

虎潛丸 熟地 虎脛骨 龜板 黃柏 知母 瑣陽

當歸 牛膝 白芍 陳皮 羯羊肉

天真丸 精羊肉 肉苁蓉 山藥 當歸 天冬 黃芪

人參 白朮

三才湯 天冬 熟地 人參

大造丸 紫河車 龜板 人參 熟地 天冬 麥冬

黃柏 牛膝 杜仲

人參固本丸 人參 天冬 麥冬 生地 熟地

天王補心丸 生地 人參 玄參 丹參 棗仁 遠志

茯神 柏子仁 天冬 麥冬 嚼碎 五味 括裏
石菖蒲 辰砂

孔聖枕中丹 龍骨 龜板 遠志 厚朴

大補陰丸 黃柏 知母 熟地 龜板 猪脊髓

滋腎丸 黃柏 知母 肉桂

斑龍丸 鹿角膠 鹿角霜 熟地 菟絲子 柏子仁

玉貞丸 硫黃 硝石 石膏 半夏 薑汁糊丸

來復丹 玄精石 硫黃 硝石 五靈脂 青皮 陳皮

半硫丸 半夏 硫黃

黑錫丹 黑鉛 硫黃

二至丸 冬青子 旱蓮草

參苓白朮散 人參 茯苓 白朮 甘草 山藥 扁豆

苡仁 建蓮 砂仁 桔梗 陳皮

玉屏風散 黃芪 防風 白朮

四君子湯 人參 茯苓 白朮 甘草

六君子湯 卽四君子加陳皮半夏

異功散 卽四君子湯加陳皮

四獸飲 卽六君子湯加烏梅草果生薑大棗

六神散 卽四君子湯加山藥扁豆黃連煎

補中益氣湯 人參 黃芪 白朮 甘草 陳皮 當歸

升麻 柴胡 生薑 大棗

三拗湯 麻黃 杏仁 甘草

葱豉湯 葱白 淡豆豉

川芎茶調散 川芎 薄荷 荆芥 羌活 白芷 甘草

防風 細辛 爲末茶調服

霞天膏 牛肉熬膏加麵

防風通聖散 防風 荆芥 麻黃 連翹 薄荷 川芎

當歸 白芍 白朮 山梔 大黃 芒硝 黃芩

石膏 桔梗 甘草 滑石 薑 蔥

溫胆湯 陳皮 半夏 茯苓 甘草 枳實 竹茹

十味溫胆湯 卽溫胆湯加人參遠志棗仁熟地

逍遙散 柴胡 當歸 白芍 白朮 茯苓 甘草 煨薑

薄荷 本方加丹皮山梔名加味道遙散

六和湯 砂仁 藿香 厚朴 杏仁 半夏 扁豆 木瓜

人參 赤茯苓 白朮 甘草 薑 棗

藿香正氣散 藿香 紫蘇 白芷 大腹皮 茯苓 白朮

陳皮 半夏麴 厚朴 桔梗 甘草 薑 棗

駐車丸 黃連 阿膠 乾薑 當歸

越鞠丸 香附 蒼朮 川芎 神麴 山梔

四物湯 生地 當歸 白芍 川芎

張子和玉燭散 歸尾 生地 川芎 赤芍 大黃 芒硝

甘草

歸脾湯 人參 白朮 茯苓 棗仁 龍眼肉 黃芪

當歸 遠志 木香 炙草 生薑 大棗

人參養榮湯 人參 茯苓 白朮 甘草 當歸 白芍

熟地 黃芪 肉桂 五味 遠志 陳皮 加薑棗

犀角地黄湯 犀角 生地 白芍 丹皮

地黃飲子 熟地 巴戟 山萸 茯苓 附子 官桂

石斛 茯苓 菖蒲 遠志 麥冬 五味

活絡丹 川烏 草烏 胆星 地龍 乳香 沒藥

附子理中湯 卽理中湯加附子

理中安虵丸 卽理中湯去甘草加茯苓川椒烏梅

連理湯 卽理中湯加黃連茯苓

治中湯 卽理中湯加青皮陳皮

四神丸 破故紙 五味 肉蓯 吳萸

清暑益氣湯 人參 黃芪 白朮 蒼朮 青皮 陳皮

神麴 甘草 麥冬 五味 當歸 黃柏 澤瀉

升麻 葛根 加薑棗

生脉散 人參 麥冬 五味

益元散 滑石 甘草 辰砂

大順散 乾薑 肉桂 杏仁 甘草

四苓散 猪苓 茯苓 澤瀉 白朮

桂苓丸 肉桂 茯苓 蜜丸

胃苓散 卽平胃散合五苓散

加味腎氣丸 卽六味丸加附子肉桂車前牛膝

瀋川散 黑牽牛 大黃 甘遂 芒硝 郁李仁 輕粉

草薢分清飲 川草薢 石菖蒲 烏藥 益智仁 甘草梢

食鹽 茯苓

禹功散 黑牽牛 茴香 薑汁調 或加木香

瓊玉膏 地黃 茯苓 人參 白蜜 臙仙加琥珀沉香

通幽湯 當歸 升麻 桃仁 紅花 甘草 生地 熟地

白虎加蒼朮湯 卽白虎湯加蒼朮

涼膈散 連翹 大黃 芒硝 甘草 山梔 黃芩 薄荷

當歸龍薈丸 當歸 龍胆草 山梔 黃連 黃柏 黃芩

大黃 青黛 麝香 木香 麝香 蜜丸薑湯下

左金丸 黃連 吳萸 水泛丸

戊己湯 黃連 吳萸 白芍

甘露飲 生地 熟地 天冬 麥冬 石斛 茵陳 黃芩

枳殼 枇杷葉 甘草 一方加桂苓名桂苓甘露飲

河間桂苓甘露飲消石石膏寒水石甘草白朮茯苓澤瀉

猪苓肉桂每服五錢 張子和去猪苓減三石一半加入
參乾葛藿香木香亦名桂苓甘露飲

瀉白散 桑皮 地骨皮 甘草 粳米

導赤散 生地 木通 甘草稍 淡竹葉

紫雪 黃金 寒水石 石膏 滑石 磁石 升麻 玄參

甘草 犀角 羚羊角 沉香 木香 丁香 朴硝

硝石 辰砂 麝香

清骨散 銀柴胡 胡黃連 秦艽 鱉甲 地骨皮 青蒿

知母 甘草

二陳湯 半夏 陳皮 茯苓 甘草 生薑

二賢散 陳皮 甘草

控涎丹 甘遂 大戟 白芥子

滾痰丸 青礞石 沉香 大黃 黃芩 焰硝

白金丸 白礬 鬱金

平胃散 蒼朮 厚朴 陳皮 甘草

橘牛枳朮丸 白朮 枳實 橘皮 半夏

保和丸 山楂 神麴 茯苓 半夏 陳皮 蘆子 連翹

水陸二仙丹 金櫻膏 芡實

桑螵蛸散 人參 茯神 遠志 石菖蒲 桑螵蛸 龍骨

龜板 當歸

蠟礬丸 黃蠟 白礬

膠艾四物湯 卽四物湯加阿膠艾葉

柏子仁丸 柏仁 牛膝 卷柏 澤蘭 續斷 熟地

右汪訥菴醫方集解中方

補陰益氣煎 人參 當歸 山藥 熟地 陳皮 炙草

升麻 柴胡 生薑

兩儀膏 人參 熟地 熬膏白蜜收

貞元飲 熟地 炙草 當歸

玉女煎 生石膏 熟地 麥冬 知母 牛膝

理陰煎 熟地 當歸 炙甘草 乾薑 或加肉桂

何人飲 何首烏 人參 當歸 陳皮 煨薑

參附湯 人參 製附子

芪附湯 黃芪 製附子 加生薑

青囊斑龍丸 鹿角膠 鹿角霜 柏子仁 菟絲子 熟地

茯苓 補骨脂

斑龍二至百補丸 鹿角 黃精 杞子 熟地 菟絲子

金櫻子 天冬 麥冬 牛膝 楮實子 龍眼肉

已上藥同鹿角熬成膏加入煉蜜調入後藥末杵合爲丸

鹿角霜 人參 黃芪 艾實 茯苓 山藥 知母

熟地 萸肉 五味子 十味爲細末和前膏爲丸

秫米半夏湯 秫米 半夏

錢氏益黃散 陳皮 青皮 訶子肉 炙草 丁香

和中丸 白朮 厚朴 陳皮 半夏 檳榔 根實

炙草 木香

東垣和中丸 人參 白朮 炮薑 炙草 陳皮 木瓜

神保丸 木香 胡椒 乾蝎 巴豆

子和導水丸 大黃 黃芩 滑石 黑丑

神約丸 大黃 杏仁 厚朴 麻仁 枳實

華蓋散 麻黃 蘇子 桑皮 杏仁 赤苓 橘紅 甘草

石刻安腎丸 附子 肉桂 川烏 川椒 巴戟 菟絲子

破故 赤石脂 遠志 茯苓 茯苓 蒼朮 山茱萸

杜仲 胡蘆巴 石斛 韭子 小茴 菴蓉 柏子仁

川棟子 鹿茸 青鹽 山藥

王荆公妙香散 人參 龍骨 益智仁 茯苓 茯苓

遠志 甘草 硃砂

猪肚丸 白朮 苦參 牡蠣 猪肚一具 劉松石方

威喜丸 茯苓 猪苓 黃蠟

交加散 生地 生薑

烏鯽魚骨丸 烏鯽魚骨 蘆茹 即茜草 雀卵 鮑魚湯下

三豆飲 大黑豆 赤小豆 綠豆 甘草水煮

萬氏牛黃清心丸 黃連 黃芩 山梔 鬱金 辰砂

西牛黃

右景岳全書中方

已上四部書。諒業醫者必備。故但開藥品。其分量炮製。加減服法。以及治症。俱未載明。井內有峻利之方。所服不過幾厘幾粒者。須按方查閱。切勿草率。慮度。且不遵古法。不惟無效。反有遺誤。慎之。

清燥救肺湯 經霜桑葉 三錢 杏仁 七分 去皮 麥冬 一錢 二分

石膏 二錢 人參 七分 阿膠 八分 胡麻仁 一錢 甘草 一錢

枇杷葉 一片 去毛筋 水 一碗 煎六分 食遠服

進退黃連湯

川黃連

薑汁炒一錢半

乾薑

冠一錢半

人參

一錢半

人乳拌蒸

桂枝 一錢

半夏

薑製一錢半

大棗

右進法用本方三味不製水三茶鍾煎減半溫服退法桂枝不用黃連減半或加肉桂五分如上製煎服

當歸桂枝湯

卽桂枝湯加當歸

茯苓桂枝湯

卽桂枝湯加茯苓

參歸桂枝湯

卽桂枝湯加人參當歸

人參建中湯

卽建中湯加人參

參芪建中湯

卽建中湯加人參黃芪

歸芪建中湯

卽建中湯加當歸黃芪

厚黃理中湯 卽理中湯加吳茱

人參溫胆湯 卽溫胆湯加人參

黃連溫胆湯 卽溫胆湯加黃連

星附六君子湯 卽六君子湯加製南星白附子

生脉四君子湯 卽生脉散合四君子湯

生脉六味湯 卽生脉散合六味湯

養營湯 卽人參養營湯

六神湯 卽陳無擇六神散卽四君子加山藥扁豆

戊巳湯 卽四君子湯加陳皮白芍

苓薑朮桂湯 只此四味

五子五皮湯 卽五皮飲加杏仁蘇子葶藶白芥子荷子

加桂理中湯 卽理中湯加桂

子和桂苓湯 卽子和桂苓飲

資生丸 人參 白朮土炒 苡仁各三兩 山查肉 神麩

橘紅各二兩 扁豆 蓮肉 厚朴各一兩 山藥 茯苓

麥芽 芡實各一兩半 桔梗 甘草炙 藿香各五錢 澤瀉

川黃連 白豆蔻各三錢半 右製爲末煉蜜丸每丸重二錢

每服一丸醉飽後二九細嚼淡薑湯下

聚精丸 黃魚鱉膠一兩切碎 沙苑蒺藜八兩馬乳浸隔湯煮一炷香

右爲末煉蜜丸每服八十九白湯下

禹餘糧丸

蛇含石

本草名蛇黃大者三兩醋煅透

禹餘糧石

三兩醋煅透者佳

鋼鍼砂

五兩醋煅透

三物各研極細入下項藥

羌活 川芎

三稜 蓬朮

白朮

白茯苓

陳皮

青皮 木香

大茴炒 牛膝

當歸

炮薑

附子

炮

肉桂

各五錢

右製爲末入前藥拌勻神麴糊爲丸如桐子

大食前或溫酒或白湯送下三十九至五十九最要忌鹽

一毫不可入口否則病發愈甚日三服兼用溫和調補藥

助之 此方又名大鍼砂丸 此方去附子蓬朮青皮加

茯苓葉氏名鍼砂丸

小溫中丸

白朮

二兩

茯苓

一兩

陳皮

一兩

熟半夏

一兩

甘草 三錢

神麴 炒一兩

生香附 一兩

苦參 炒五錢

黃連 炒五錢

鍼砂

醋炒紅研如飛麴一兩半

爲末醋水各半打神麴糊爲丸桐子大

每服七八十九白朮六錢陳皮一錢生薑一片煎湯下虛

甚者加人參一錢木方去黃連加厚朴半兩忌口病輕服

至六七兩小便長甚者服一觔小便始長

繆仲淳脾腎雙補丸

人參 蓮肉 炒

山萸 炒

山藥 炒

各一觔

五味子

蜜蒸

菟絲子

各一觔

橘紅

砂仁 炒

各六兩

車前子 洗

巴戟肉

甘草汁煮各十二兩

豆蔻

十兩

補骨脂

鹽水浸二日炒一觔

右爲末煉蜜丸如虛而有火者或火盛肺熱者去人參肉

豆蔻巴戟補骨脂

忌羊肉羊血

阿魏丸

阿魏

七錢

鱉甲

二兩

黃芪

廣皮

枳實

柴胡

白朮

各一兩

青皮

草果

黃芩

當歸

茯苓

各八錢

白蔻仁

七錢

山楂

一兩

神麴

一兩

延胡

水法丸

又方

阿魏連翹胡黃連山楂青皮山稜蓬朮陳皮半夏麥芽

厚朴萊菔子甘草

更衣丸

硃砂

五錢

蘆薈

七錢

好酒和丸每服一錢二分

濟生腎氣丸

卽八味丸加車前牛膝葉氏用茯苓八兩爲君

熟地只用四兩 又薛氏濟生丸分量不同

海粉丸

蛤粉

瓜蒌實

杏仁

各一兩

廣皮

紫蘇

各二兩

白朮

土貝母

各四兩

紫苑

三兩

木香

五錢

煉蜜丸

蔥白丸

熟地

四兩

白芍

當歸

川棟子

茯苓

各二兩

川芎

枳殼

厚朴

青皮

神麴

麥芽

各一兩半 三稜

蓬朮

各一兩

乾薑

大茴

木香

各七錢

肉桂

五錢

用蔥白汁丸

又方

人參

阿膠

川芎

當歸

厚朴

用蔥白汁丸

安胃丸

烏梅

川椒

附子

桂枝

乾薑

各一兩

黃柏

黃連

五錢

川棟子肉

廣皮

青皮

各二兩

白芍

三兩

人參

量加如有邪者可勿用

再用川椒烏梅湯法丸

一方無廣皮

有當歸細辛

妙香丸

巴豆

三百十五粒去皮心膜炒熟切如餅

牛黃

研 龍腦

研 麝香

研

輕粉

研各三兩

硃砂

研飛九兩

真金箔

九十片

右各研勻

煉黃蠟

六兩

入白蜜三分同煉勻爲丸每兩作三十丸

海蛤丸 天冬 瓜蒌霜 海浮石 蛤粉 風化硝

桔梗 橘紅 香附 竹瀝 薑汁 蜜丸

朮菟丸 白朮 菟絲 又景岳新方苓朮菟絲丸

局方龍薈丸 卽當歸龍薈丸

白蒺藜丸 卽一味用山梔湯製爲丸用大豆黃卷湯送下

禹糧石脂丸 卽二味爲丸

橘木丸 卽二味爲丸

真武丸 卽真武湯作丸

歸脾丸 卽歸脾湯料作丸

桑蔴丸 桑葉 黑芝蔴 蜜丸

瀋川丸 卽瀋川散

禹功丸 卽禹功散

生脉六味丸 卽六味丸合生脉散

肥兒丸 景岳全書中有四方

益母丸 此方不一總川益母草膏爲君有加四物香附山查者有去山查加阿膠者有加八珍香附砂仁查肉者

東垣清心涼膈散 連翹 薄荷 黃芩 山梔 桔梗

甘草 竹葉 水煎服

金鈴子散 金鈴子 卽川棟子 去核一兩

延胡索 一兩

爲末每服三

錢酒調服 冰煎服亦可

虎杖散

牡牛膝根汁

二三兩古方本用虎杖草汁今人不識此草故以土牛膝根汁代之

當門子麝香

一分

右將麝香入汁中和勻隔湯燉溫服

葛可久花蘆石散

花蘆石

煨存性研如粉以童便一盞男

人入酒少許女人入醋少許煎溫食後調服三錢甚者五

錢能使瘀血化爲黃水後用獨參湯補之

歸芍異功散

卽異功散加當歸白芍

雞鳴散

牛蒡子

炒香研細服加入雞雞冠血五匙狀元紅酒少許調勻以炒荆芥三分煎湯送

通聖散

卽防風通聖散

歸芪異功散

卽異功散加當歸黃芪

香砂異功散 卽異功散加木香砂仁

正氣散 卽養香正氣散

玉壺丹 卽扁鵲玉壺丸 治命門火衰陽氣暴絕寒水膨脹

却有神效古吳王晉三先生得異授製法當宗之

好硫黃八兩配眞麻油八兩以硫打碎入冷油內燉爐上

炭火宜微勿烈以桑條徐調候硫溶盡卽傾入大水內急

攪去上面油水其色如金取缸底淨硫稱見若干兩仍配

香麻油若干兩照前火候再溶再傾連前共三轉第四轉

用眞棉花核油配硫若干兩照前火候再溶再傾入大水

內攪去上面油水其色如金第五轉用肥皂四兩水中同

煮六時第六轉用皂莢四兩水中同煮六時拔淨製硫之
油攪去其水其色如硫火之紫第七轉用爐中炭灰淋蠟
水製六時第八轉用水豆腐製六時拔淨皂蠟之性第九
轉用田字草出水荒稻田中其葉如田字八月月採搗汁和水煮六時臨用
研如飛麩凡淨硫一兩配炒糯米粉二兩或水法或濕搗
爲丸每服以硫三分爲準漸加至一錢止開水溫下

回生丹

大黑豆

三升用水浸取殼用絹袋盛煮同豆煮熟去豆不用將殼晒乾其汁留用

紅花

三兩炒黃色入好酒四碗煎十餘滾去渣存汁聽用蘇木三兩河水五碗煎汁三碗聽用

大黃

一觔爲末陳米醋九觔

右將大黃末一觔入淨鍋下醋三

觔文火熬用長木筋不住手攪之將成膏再加醋三觔熬

之又加醋三觔次第加畢然後下黑豆汁三碗次下蘇木
汁次下紅花汁熬成大黃膏取入瓦盆盛之大黃鍋焦亦
鏟下入後藥同磨

人參

二兩

川芎

當歸

熟地

茯苓

香附

延胡

蒼朮

米泔浸炒

桃仁

蒲黃

各一兩

烏藥

二兩

牛膝

地榆

橘紅

白芍

羌活

炙草

五靈脂

山萸

三稜

各錢

良薑

木香

各四錢

木瓜

青皮

白朮

各三錢

益母草

二兩

乳香

沒藥

各二錢

馬鞭草

五錢

秋葵子

三錢

右三十味并前黑豆殼共晒乾爲細末入石臼內下大黃

膏再下煉熟蜜一匊共搗干搥爲丸每丸重二錢七分

室陰乾二十餘日不可烘晒乾後止重二錢外以蠟作殼
護之用時去蠟調服 一方無益母草馬鞭草秋葵子三

味并不用蜜醋止用八碗

至寶丹 犀角

鎊 硃砂 飛 研水

雄黃

飛 研水

琥珀

研 玳瑁

各一兩

水安息香

一兩無灰酒熬成膏如無以旱安息香代之

西牛黃

五錢

麝香

一錢

龍腦

一錢

金銀箔

各五片

爲極細末將安息香膏重湯煮入

諸藥搜和分作百丸蠟護臨服剖用參湯化下

紫金丹

牛黃

冰片

狗寶

鴉片

各六分

廣木香

二兩

右爲末人乳丸重五厘金箔爲衣

震靈丹

禹糧石

赤石脂

紫石英

代赭石

各四兩

上四味作小塊入淨鍋中鹽泥封固候乾用炭十觔煨炭盡爲度入地出火氣必得二晝夜研細末

乳香 二兩 沒藥 二兩 硃砂 二兩 五靈脂 二兩

爲末同前四味和勻糯米飯丸宜堅細

四順清涼飲 大黃 當歸 芍藥 甘草 各等分水煎服

露薑飲 人參 生薑 水煎露一宿空心隔湯燉溫服

子和桂苓飲 卽桂苓甘露飲

七香餅 香附 二兩 丁香皮 二兩 甘松 八錢 益智仁 六錢

砂仁 二錢 蓬朮 二錢 廣皮

阿膠雞子黃湯 非黃連 阿膠湯 河間中滿分清湯 清阿膠丸

蠶痛丹 香連飲 已上五方俟考

按先生雖善用古方然但取其法而並不膠柱觀其加減之妙如復脉建中瀉心等類至用牡蠣澤瀉散只取此二味故案中不但書用某方而不開明藥味者決非盡用板方必有加減之處觀者以意會之可也

論中所述諸方開列於後以便查閱

麻黃人參芍藥湯 桂枝 麻黃 黃芪 炙草 白芍

人參 麥冬 五味 當歸

甘草湯 生甘草

生薑甘草湯 生薑 人參 甘草 大棗

調中益氣湯 卽補中益氣湯去當歸白朮加木香蒼朮

升陽益胃湯 羌活 防風 蜀活 白芍各五錢 廣皮四錢

黃芪二兩 人參 半夏 炙甘草各一兩 柴胡 黃連各二錢

白朮 茯苓 澤瀉各三錢 每服三錢加薑棗煎

桂枝黃連湯 卽仲景黃連湯 黃連 桂枝 乾薑 人參

半夏 炙草

溫脾湯 乾薑 肉桂心 熟附子 炙草 枳實

厚朴各二兩 大黃四錢 用一兩水煎服

橘皮湯 橘皮 生薑

橘皮竹茹湯 橘皮 竹茹 大棗 生薑 甘草 人參

生薑半夏湯 半夏 生薑汁

蒼朮石膏湯 蒼朮 石膏 知母 甘草

滋燥養營湯 當歸 生地 熟地 白芍 甘草 黃芩

秦艽 防風

蘭草湯 蘭草 卽省頭草 水煎服

潔古芍藥湯 芍藥 歸尾 黃芩 黃連 六黃 木香

檳榔 甘草 肉桂

葛根芩連湯 葛根 甘草 黃芩 黃連

茅朮理中湯 卽理中湯白朮換茅朮

厚朴三物湯 厚朴 大黃 枳實

厚朴溫中湯 厚朴 陳皮 甘草 木香 草薢 乾薑

茯苓

下瘀血湯 大黃 芍藥 蟅虫

舒筋湯 赤芍 海桐皮 當歸 白朮 各錢半 斤薑黃 二錢

羌活 炙草 各一錢 冰薑煎去渣磨入沉香汁少許食前服

通氣防風湯 柴胡 升麻 黃芪 各一錢 防風 陳皮 羌活

人參 甘草 各五分 藜蘆 青皮 各三分 薏仁 二分 黃柏 一分

玄參升麻湯 玄參 升麻 麴蠶 牛蒡 連翹 防風

黃芩 黃連 桔梗 甘草

芎歸湯 川芎 當歸

澤木湯 澤瀉 白朮

茵陳四逆湯 附子 乾薑 炙草 茵陳

坎炁湯 卽坎炁丹 坎炁 人乳粉 熟地 人參 枸杞子

酒釀白蜜同煉搗丸米飲送

補血湯 黃芪 當歸

黃連竹茹橘皮半夏湯 黃連 竹茹 橘皮 半夏

左歸丸 熟地 山藥 枸杞 山萸 牛膝 菟絲子

鹿角膠 龜膠

右歸丸 熟地 山藥 枸杞 山萸 菟絲子 鹿角膠

杜仲 當歸 肉桂 附子

臨證指南醫案

卷十

集方

九

金剛丸 草薺 杜仲 肉蓯蓉 菟絲子

四斤丸 木瓜 天麻 菴蓉 牛膝 附子 虎骨

或加乳香沒藥

柏子仁丸 柏子仁 人參 白朮 半夏 北味 牡蠣

麻黃根 麥麩 棗肉丸

五仁丸 火麻仁 郁李仁 柏子仁 松子仁 菴仁

指迷丸 茯苓丸 卽指迷茯苓丸

清六丸 滑石 甘草 紅麴

蘇合香丸 蘇合香 安息香 犀角 冰片 射香 香附

木香 薰陸香 沉香 丁香 白朮 煉蜜丸 硃砂爲

表外作蠟丸

五痢丸 硃砂 眞珠 雄黃 水銀 黑鉛 煉蜜丸如蘇
子大每服三四丸

硃砂安神丸 硃砂 黃連 生地 當歸 甘草

人參丸 人參 茯苓 茯神 棗仁 遠志 益智仁

牡蠣 硃砂 棗肉丸

茯苓丸 茯苓 菟絲子 建蓮 酒糊丸或加五味子

苓下菟絲丸 茯苓 白朮 菟絲子 蓮肉 山藥 炙草

五味子 杜仲

濟生固精丸 牡蠣 菟絲子 韭子 龍骨 北五味

桑螵蛸 白石脂 茯苓

家韭子丸 家韭子 鹿茸 肉苁蓉 牛膝 菟絲子

熟地 當歸 巴戟 杜仲 石斛 肉桂 炮薑

烏雞煎丸 烏骨雄雞一隻 烏藥 蛇床子 丹皮 白朮

人參 黃芪各一兩 茅朮米泔浸一兩半 海桐皮 紅花 白芍

肉桂 附子炮去 川烏炮 義朮 陳皮各二兩 熟地洗焙

延胡 木香 肉蓯蓉 草蓯蓉 琥珀各五錢 右細剉以烏雞

湯燀去毛及腸雜將上藥納雞肚內用新磁瓶以好酒一斗同煮令乾去雞骨以油單盛焙乾爲末煉蜜和丸如桐子大每服三十九隨症用湯引下

安蛇丸 卽理中安蛇丸

侯氏黑散 菊花 白朮

防風 桔梗 黃芩 細辛

茯苓 牡蠣 人參

礬石 當歸 乾薑 川芎

桂枝 爲散酒服

雞金散 雞內金 沉香

砂仁 陳香橼皮

天水散 卽六一散

本事方神效散 白海浮石 蛤粉 蟬蛻 爲細末用大鯽

魚膽七箇調服三錢

人參敗毒散 人參 羌活 獨活 柴胡 前胡 川芎

桔梗 茯苓 甘草 枳殼 薄荷 生薑

瓜蒌 瓜蒂 赤小豆 香豉

蒼耳散 白芷 薄荷 辛夷 蒼耳 爲末葱茶湯調服

聖濟透關散 雄黃 猪牙皂莢 藜蘆 等分研末先含水

一日用藥吹鼻卽吐去水 備急如聖散有白礬等分

花蓋石散 花蓋石四兩 硫黃一兩 研細泥封煨赤服一錢童便

下

失笑散 蒲黃 五靈脂

五積散 白芷 陳皮 厚朴 當歸 川芎 芍藥 茯苓

桔梗 蒼朮 枳殼 半夏 麻黃 乾薑 肉桂

甘草 薑 葱

牛黃膏

牛黃

二錢

硃砂

鬱金

丹皮

各三錢

水片

甘草

錢

煉蜜丸如桐子大每服一丸新水化下

三才封髓丹

天冬

熟地

人參

黃柏

砂仁

甘草

一炁丹

河車

具一人乳粉

兩四

秋石

兩四

紅鉛

錢五

蜜丸每丸重七釐

琥珀黑龍丹

即黑龍丹

當歸

五靈脂

川芎

良薑

熟地

各二兩

俸八砂鍋內紙筋鹽泥固濟火煨過

百草霜

一兩

硫黃

乳香

各二錢

琥珀

花蘆石

各一錢

右爲細末醋糊丸如彈子大每用一二丸煨

火煨紅投八生薑自然汁浸碎以童便合酒調灌下

左歸飲

熟地

山藥

枸杞

炙草

茯苓

山萸

右歸飲

即左歸飲去茯苓加杜仲肉桂附子

溫胃飲 人參 白朮 炮薑 扁豆 當歸 陳皮 炙草
歸氣飲 熟地 茯苓 扁豆 炮薑 丁香 藿香 炙草

陳皮

大和中飲 陳皮 枳實 砂仁 麥芽 厚朴 山楂

澤瀉

四柱飲 人參 附子 茯苓 木香

六柱飲 卽四柱飲加肉豆蔻訶子

五磨飲子 烏藥 沉香 檳榔 枳實 木香 白酒磨服

生鐵落飲 生鐵落 清水浸研澄飲水

普濟消毒飲 黃芩 黃連 陳皮 甘草 玄參 連翹

板藍根 牛蒡 薄荷 蠶絲 升麻 柴胡 桔梗

馬勃 或人參 便閉加大黃

清心蓮子飲 五蓮肉 人參 黃芪 茯苓 柴胡 黃芩

地骨皮 麥冬 車前 甘草

七福飲 人參 熟地 當歸 白朮 棗仁 遠志 炙草

胃關煎 熟地 白朮 山藥 扁豆 炮薑 吳萸 炙草

二陰煎 生地 麥冬 棗仁 甘草 玄參 茯苓 黃芩

木通

秘元煎 人參 茯苓 白朮 炙草 棗仁 山藥 炙薑

五味 遠志 金櫻子

固陰煎 人參 熟地 山藥 山萸 遠志 炙草 五味

菟絲子

保陰煎 生地 熟地 白芍 山藥 川斷 黃芩 黃柏

甘草

壽脾煎 人參 白朮 炙草 當歸 山藥 棗仁 炮薑

建蓮肉 遠志

玉鑰匙 馬牙硝一兩 硼砂五錢 白僵蚕二錢 冰片一字

爲末以... 入喉中

蒲黃酒 蒲 以湯色 清酒十爵沃之溫服

臨證指南醫案卷十終